



卷九百四十一—九百五十



九百四十一卷

五

九百五十卷



文苑英華卷九百四十一

誌七

職官三

此下六卷英華所編
失作者先後今正之

姚祕監子彥墓誌一首 嚴庶子損之墓誌一首

獨孤大理嶼墓誌一首 權員外自挹墓誌一首

仲員外子陵墓誌一首 蕭郎中存墓誌一首

李司農銘墓誌一首

祕書監贈禮部尚書姚公墓誌 獨孤及

有唐祕書監永安縣侯姚公諱子彥字伯英其先馮翊蓮勺人

也至高祖僧洪徙家河東祖思聰祕書少監父坦汝州梁縣丞

贈祕書監公忠諒孝愛寬仁愿恭質方氣冲天所授也而力行

博學温故知新錯綜六藝公集作詞賦初舉進士又舉詞藻皆

升甲科尉清遠

集作苑

獲嘉永寧三縣開元二十九年詔立黃老

學親問奧義對策者五百餘人公與今相國河南元公載及廣
平宋少貞等十人以條奏精辯才冠等列授右拾遺內供奉歷
左補闕當是二字集時天下無金革之虞選多士命百官先文
行而後吏事集作名法而柱下方書南宮章奏主張綸翰典司禮樂
集作尤籍其選非盛名莫居繇是遷公殿中侍御史禮部員外
郎禮部郎中知制誥中書舍人太常少卿天寶十四年奉詔宣
慰江東淮南覽觀風俗無何二京陷覆太夫人損館公外罹憂
患內偃惇疾集作內銜憤泣血毀瘠集作滅性秉與反正公過
集作外除拜太子左集作庶之于時逆難始康百揆草創官復
其職人亦求舊俄又授公中書舍人禮部侍郎光祿卿左散騎
常侍加銀青光祿大夫復知制誥廣德二年授祕書監策名事
君二十有七年文學一紀羽儀三朝凡六蹈瑣三掌訓誥四居

禮官一典祕書其遺塵餘跡 周遍臺閣言行事業著於天下

自策名至天下十五一字集作以儒行懿德策名三朝遺跡故事周遍臺閣 資忠體和惟道是居正

身奉上中立不倚恐懼戒慎形于隱微故遭值傾否出入夷險

而未嘗有悔名與身偕中庸集作是依明哲以保故也享壽七

十有八大曆二年四月某日薨於集作位五月某日詔贈禮部

尚書知言者以為壽富貴康寧攸好德考終命洪範謂之嚮用

五福而公居四焉以清儉貽厥子孫故所不至者富焉尔非明

德介祉何以享茲有子曰駘曰驥曰驂曰駟集作曰驪號呼集

于昊天痛欲報之罔極也銜恤問禮收血襄事十月丁酉卜兆

此原惟盛德與公器若東川集作之無還垂芳如之何刻石集作

墓門其詞曰集作

恂恂祕書蘊粹含和服膺孔門行登集作四科遭時之康天下

未匡集作尚文出奮羽翽翰慶雲脫遇中興貴德尚齒公秉懿範

入作卿士逮事三后出入二紀典禮司書媚于天子居貞保儉

與祿終始鬱鬱佳城光烈遺美集作烈烈餘美日月有逝令聞不集作已無

銀青光祿大夫太子左庶子嚴公墓誌 前人

皇唐太子左庶子河內縣子馮翊嚴公諱損之故都督兆州諸

軍事兆州刺史協之孫縣太常少卿方約季子中書侍郎挺之

愛集作毋第家之慶天之休鍾于公躬故其德備少壯集作仕是昌世

遇權臣惡直故官不登三臺晚值多難安貞不競故位不過郡

守宮尹前後羽集作佐兩衙叅四府領二縣典七州再入石渠三

登集作非龍樓凡處任十八享年七十六未嘗以利苟合違道從

欲用之則行機不俟忠信是履集作動勞諫有光廣德二年六

月二十五日終于襄州集作陽是歲八月權窆楚山西原冢子曰

式官至江陵少尹不幸道夭仲子曰士由元殿中侍御史為尚

書虞部員外集無此二字即少子曰士良秘書省集作領著作即悉

能裕父盡懿文德取公器也他日獨立訓所至也大曆三年歲

次集作在戊申五月二十九日反葬洛陽先塋禮之至者宗人故

太常卿向嘗狀公徃行貽諸有司謂公外寬內剛廉正篤敬温

而不立直而不輕集作許學究源本行有枝葉故其適道求友茲

職任事覈其實不居其華初公宰汜水也以莊明慈惠為政汜

水之集無此字人不敢欺而戶口增倍獄訟衰止御史中丞蕭隱之

以狀聞公是以有著作即之拜其後歷太原上谷弋陽餘杭丹

陽雖風俗殊異治效如一不日才平公在清池會安祿山與當

國者交惡公曰難將作矣遂移疾請告官集作姦黨惡之是以有

弋陽之貶貶之明年河北為戒不日智乎涉難患不辱身踐祿

位不徇名居義處順動罔違吉不曰貞乎鳴乎榮問素業與時
皆逝可稱也而不追可也今採其實錄刻石示後蓋欲報罔極
者之志爾集作其詞曰

君子之道容民和畜集作衆公宰二邑二邑無訟與國共理惟二
千石公七部符七著成績乃師國子司成望苑考藝校德以彌
三善中和其心正直是踐道亞羽翼名掩春華忠以事君孝施
于集作家聚令予鮮俟晨葩若何不吊盛德喪音徽永沫士友
孤望千載九原遊者悽愴

大理少卿兼侍御史河南獨孤府君墓誌 前人

府君諱嶼河南洛陽人也漢祖光武帝第二子沛獻王輔之昭
也齊臨川郡王河陽道行臺僕射洛川刺史永業府君五代孫
國朝明威將軍文慧集作府君第二子越州都督浙江東道節

度觀察處置集無此四字使兼御史中丞右集金吾大將軍峻府君

之季第也聰明仁恕專直寬信擾而毅溫而厲弱冠筮仕以藝

即戎藏器安卑非其志也天寶十四年安祿山反朝廷以淮服

集作肥海沂三吳咽喉宜擇良佐以貳蕃鎮命府君為泗州長史

無何換徐集作濠二州倅備叅吏職忠毅集作肅給所屆繫賴

御史中丞崔公昭之月河南也盛選僚佐表府君為太常丞兼

殿中侍御史營田判官使罷轉湖州別大曆五年崔公受詔持

節牧宣歙池三州府君復為從事以太子右論德兼殿中侍御

史遷大理少卿兼侍御史方謂宜民宜人祿與壽俱遭命不淑

春秋五十九集作而歿是歲大曆九年春三月二十四日也夫

人隴西李氏以相舟之誓提挈諸孤某等奉府君之喪言歸洛

陽某月日遷集作窆于某原禮也府君少孤奉事兄嫂以友悌

稱在家在邦言信行果居官祇事強志能力及其冠法冠佐大府上以勤恪一作勤略周爰成務下以勞謙明誠應物和禮正

家敦睦姻族自踈及親必慈必愛而命不我與年未下壽天天

是掾集作天嗚呼哀哉初府君之金吾伯兄擁旄集作東也

拔崔公於郡吏之中升為君司馬推誠委政之分猶晉得韓厥

宋得子罕及中丞之開府辟掾府軍為首既而府軍之喪也

中丞哭之慟贈贈賙給於人二等由是稚子孀妻得奉喪而西

三月而葬禮無違者賻布之餘足備祭器君子謂金吾之明哲

貽厥兄弟宣州之交情見於死生知己之道斯其行者鮮矣父

敢不直詞書父父之美於墓石其詞曰叔父懿德承家令儀慧

伯集作惠哲兄踐脩摩遠私治於官發跡淮沂父佐皇華亦繡其

衣天子命我再參軍機駱馬驛驛集作單所從其誰顯允崔公集作君子

為諸侯師府君委質咨諏載馳式壯其猶耄未及之陰陽為寇

子鵬語集作洽非期昔也陟岡哀哀永思今也返貞匪公曷依伯兮

今乎已而他年九原公誰與歸

尚書比部郎中蕭府君墓志銘 元載

嗚呼蘭陵蕭君蘊賢人之業藏佐世之器大君未盡其力生人

未享其福鍾厲遘病殞靈休時哀哉君諱存字成性梁武帝季

子一作弟鄱陽王恢之裔五世祖唐刑部尚書生雅州都督都督

生左衛長史元恭長史生蜜州蒼縣主簿旻主簿生揚州府功

曹穎士穎士字茂挺時達聰明叢于上才以詩書禮樂皇帝王

霸之術為己任開元中進士擢第靈鳳神龍換于文章高價風

馳憾動八荒是時顛顛昂昂賢雋之士揖涯岸趨問望如百川之委溟海群山之仰高岱君即功曹之子也稟乾坤清粹之氣

聚而為德義散而為識度行可以輔教才可以極時大抵根儒
術尚名理言喜人之善鋤人之惡其餘九流百世質文沿革雖
千古復絕如以眸子視左右掌也大曆初與昌黎韓會天水趙
替博陵崔造素友善齊名李大夫栖筠領浙西掇筆則楚遂奏
授蘇州常熟縣主簿顏太師真卿典吳興纂文編韻延納以脩
術旋之任宰相劉公晏司轉運與能咨畫奏授左金吾衛兵曹
叅軍明年遷廷尉評建中 包諫議佶掌鹽鐵聆風欽舊奏授
監察御史明年轉殿中侍御史自貞元元年夏至十年春凡再
為御史四為尚書即初御史大夫張滂董戎天子之伴君留務
于上國時主計者張推侵官交關有司君不阿撓據辯可否哆
南箕燭光芒錄足愁憤乞守外職竟罷歸潯陽君有草堂在廬
山下紫霄脫節學無生得禪悅之味每天氣寥即神有所詣輒

駕紫駟携酒壺學業同紫府之容恣遊其下弄泉坐一作石不

記早慕無幾何登黃石巖之絕巔谷飈飈一作丁毒腑藏右體

麻痺不仁雖藥膳充席疑政和疊跡不得施其力烏春秋六十

二十五年冬十月五日遘疾十六年冬十月五日卒于潯陽溢

城之私弟遂以是年十一月十二日榷窆于承仙之西岡未克

葬于臨汝故也凡纓紋一作日光之倫痛瓌壁之破碎悲豫章之摧

拔莫不驚惋潛恒響風淒歛烏夫人河東裴氏王父璉越州倉

曹叅軍事皇考光輔蘇州吳縣丞資淑和之氣承禮義之訓陰

範內則璨然有光有子四人曰復曰東曰愿曰與咸端素溫良

克荷家聲吞茹荼蓼若絕生理今相國齊公抗河南尹張式給

事許孟容鄭郢州正則兵部揚郎中憑馮第吏部郎中凝盧補

閔景亮陸殿中禮投分許與期於莫逆衆君子振鱗奮翼日薄

霄漢君未壽獨歸泉壤匣有豪曹歷有飛黃不發不馳埋骨推
銜可哀也哉相國於君有死生之文情至於葬舊鄉撫柩紹蓋
餘力也足以慰其精靈焉載後學小子日遊于藩故遺芳盛烈
備得詳悉見託誌錄銜酸為銘銘曰
崇山鬱鬱連西岡青龍白虎為壽堂靈其少安樂且康旄頭不
明歸舊鄉

尚書司門員外郎仲君墓誌

權德輿

君諱子陵字某其先魯獻公仲子曰山甫入鋪於周食菜于樊
其後魯有季路衛有叔圉用儒行政事代為家法魯祖誓始自
彭城徙于蜀都祖襲博宥六藝州閣推重考遠清靜寡欲理老
嚴之言三代曠僚純白不輝耀君非歲好古學與同門生肄業
於峨眉山下採摭前載可以為文章樞要者紬繹區別凡數十

萬言大曆十三年舉進士甲科調補祕書省校書郎歷同官醴
泉二縣尉貞元十年舉賢良方正拜太常博士轉主客司門二
員即十八年六月乙巳寢疾歿於靖恭里第享年五十有九君
脩身愍固為學精力其初典校有詔百執事詳定冕服炳然上
奏得禮之中再仕旬內皆參奉常論譔之務后蒼二代曲臺石
渠之論乖疑難正者咸折中焉有司請正太祖東嚮之位而祧
獻懿二主議者云云君議畧曰九聖在天二祖祧在國家卜代
及年未始有極宜立定制為萬代程請遷二主於德明興聖廟
詞甚切正後以異論紛紛又著通難一篇引經據古諸儒不能
屈雖留中未下而知禮者直之為即三歲受詔典黔中選補賦
祿清平南人悅為皇皇者華道於故里里中人以為榮觀復命
踰年稍進即位循性詣理恬於聲采曠然放懷以馮唐顏驕自

况脩詞甚博推本六經賦詩類事往往有卓異不霸之韻遂於
禮服上下古今儀制著五服圖十卷自為一卷之言起庸蜀諸
生以文義自達至禮官元士三登於朝講議洽聞不疚不殆與
夫憑覆露乘地資而至大僚豐祿者難易殊矣子雲耆老相如
多病內外掃之日圖書殫酒而已升東榮而覆者假他人之室
可悲也夫其娶邳王之藻文宗室公宮稱其賢淑生一子無頗
幼學而孤卜七月甲申寤於萬年縣之某原其理命也德舉常
集作 常 忝知君用深恒化遺孤哀請因直其詞銘曰
噫仲君直而文心秉彛學軼羣富宏議暢嘉聞中止水外浮雲
理冥冥化云云刻圓石識幽墳

朝議郎行尚書倉部員外郎集賢院侍權府君墓誌

前人

公諱自挹字某天水人某先殷王戊丁之友

世系表推氏
武丁之裔孫因封

命氏楚遷於那處秦徙于汧隴綿代多才繼有勲力四伐祖襲

慶周開府儀同三司相定藝青殷五州諸軍事冀州刺史齊郡

公會祖武隋開府儀同三司浙豫柱三州刺史潭府惣管始平

群太守右武衛七衛二大將軍天水縣開國伯考無悔皇朝請

大夫晉州趙城縣令公年十四太學明經上第因喟然曰學不

足以究古今之變而干祿者非吾志也遂蒙養於終南紫閣之

下窮覽載籍號為醇儒非其道不合非其人不自歷南和寶鼎

二縣尉天保終河湟之間踐更以禦寇平糴以饜軍皆以御史

董之聯辟從事既而幽陵兵興二京露蕩搢紳之士多在劫中

公難艱貞終吉道不能汙赴復之歲制授醴泉尉尋攝監察御

史充河西隴右宣尉使崔中丞伯陽判官軺車所履人誦其惠

歲中崔復命遷佐馮翊表為祠曹且佐州師朝庭以公文而無
害特拜監察御史謙以自牧換大理寺丞學該今古加集賢院
待制職通理典遷尚書倉部員外郎大曆五年春感風疾請告
十有二月終于布政里私第享年七十惟公得大易之含章中
庸之居易知前古之善敗稽六學之義類靈龜恬然天爵自貴
夫如是則通籍書殿草中臺於諸生不為不達而克公之量則
未也與故王右丞維今歸尚書崇敬為文雅道素之友其餘或
不踐其域故知我希夫人太原王氏監察御史造之孫也鄆縣
令侑之女淑行明德輔于公志業是福履近于期願公之喪既
除二十三年而夫人歿壽九十三時貞元十年十有二月也嗣
子某某官次子某某官等皆以舊德蕃祉參居吏員盡厥誠信
貞子龜筮十二年十月俯葬于咸陽縣洪瀆原禮也以德與諸

孫之列習與舊史郊子之學誠慙古人滕公之室敢識幽壤銘曰
周隋之間受封於齊代有武功柳抑倉部德音不回霽然儒生
風考正圖書彌綸憲其道昭融黃裳之吉大雅方直位則朱克
惟此令德與彼內則委鮒而終咸陽古原耐窳雙鳧淑聲無窮

金紫光祿大夫司農卿郿州長史李公墓誌 前人

公諱銘字某不書州里尊宗室也初景皇之友啓封于蔡繼別
為宗厥後多材皇襲濟北郡公孚公之曾祖也隴西郡公津客
公之王父也濟北士至國子司業贈太僕卿隴西仕至慈衛汝
刑青州五刺史終永王傳以至烈考愴歷監察御史殿中侍御
史尚書倉部員外郎累贈賅方郎中虢州刺史虢中府君之弟
若干子也憑是積厚叢生福祉少以門子入官聯調兩官環列
之佐次補伊闕丞是歲天保十四載也虢州損館幽陵兵起茹

毒遠難南浮江淮既除喪宣州觀察使鄭昂之表為廣德令時
劉展阻命東方愁擾閭里制於崔蒲守臣化為寓集作寓非公而公
之縣鄙連且山洞盜有陳莊陳五奢者是為囊橐攻剽相因
昂之條在尋陽牒書密至署為上介俾輯與師靖緩攘過人周
寧紆後歷揚州太原二紀綱掾府之損益皆所關決執法殿中
佐戒北門會罷使至京師獻狀居最拜奉天令有命成城績用
居多未用年遷侍御史充宣武軍節度行軍司馬時師帥以睢
陽及譙進律開府韓厥之任朝選為難蓋以彌縫左右非公莫
可最凡三為尚書郎四兼御史中丞以銀印青授歷官相常伯
之重府遷大梁職尊統帥集作帥公皆以司武從之蓄資力以崇
威望宣忠勞以強班制居則持重戰財有功無細無大繫公謀
是穎雖羊舌職之聰敏肅給鐸過寇之恭敬信強無以過也貞

元二年真拜右

集作佐

庶子三年復以本官兼御史中丞充入蕃

使尋兼御史大夫行決回中察其陰詐奏

集作密

疏累陳不可莅

盟之狀時朝義已行謀塞不用既而戎人裹甲急變上聞乘車

東轅獨以智免以父次遷衛尉卿秩至

集作以

金紫乃命大司

集作無

字農為國之泉首公脩職惟直是視無所阿附終用蔽傷佐僂

郿州長史以十三年十一月日寢疾終於

集作于

所莅之官舍春

秋若于唯公開敏毅直信廉仁勇有政事方略長於理煩遠而

不沈文而無害始以通邑行師振其名聲文辟元僚翫飛清朝

腰金烏玉法象河海議者謂蕃垣京轍公宜居之然終以當官

有守寧緦不為不為利疚於回齷埋下國以至大病斯可歎已

夫人范陽郡夫人盧氏某官某之孫新安丞某之女華宗叔光

輔閨門無詒離

集作惟

無攸遂內姻外仰其徽風先于

集作於

公二

年而歿長子元亮以武畧至御史中丞不幸早亡次子元道以
吏才為大理司直監察御史叅陳許軍事次曰元現進士父弟
蓋厘縣尉次曰元會前右金吾衛兵曹叅軍元簡江陵府叅軍
元舉太原府叅軍元衡元弼集作元弼作衡元輔等皆裕盡知方嚴然
在疚考於衆數先遠得吉以十四年某月日奉公夫人之喪祔
窆於伊闕縣萬安山南原先公之兆域禮也德輿王父族之出
也先人於公為中表昆弟羈貫獲見始四十年元道等泣以墓
石見託雖文之鄙朴而不敢辭也銘曰抑抑司農系于蔡兮三
挂再踐直方大兮心廣體伴道將泰兮中立不回官左退兮發
書問鵬禍所會兮撰日煇龜分祖載兮萬安鮮原風雨晦兮鏤
此貞珉墜之內兮

文苑英華卷第九百四十一

登仕郎胡 柯

鄉貢進士彭 叔夏 校正

文苑英華卷第九百四十二

誌八

職官四

李少卿條墓誌一首

張監察衆甫墓誌一首

王大夫珙墓誌一首

盧賓客正己墓誌一首

李贊善墓誌一首

常員外墓誌一首

朝散大夫守司農少卿賜紫金魚袋隴西縣開國男

李公墓誌銘

權德輿

公諱條字堅後以字為諱淮安靖王贈司空神通之玄孫也鹽州刺史孝銳司空之照也弘農太原守璟鹽州之穆也太子太傅贈司徒齊物公之禰也尚書左僕射贈司空復公之兄也代以忠厚而膺爵命勲籍吏部皆冠宗室公稟是慶祉生而即邁弘毅疏達方廉孝悌學以遜志文而無害始以廕門參調三

命官至廷尉平

集作評

明清閱實適其輕重改宣城令滿歲受代

縣人以理狀乞留廉車上聞詔可其奏且加大理司直從人欲

也縣鄙之南水委泉匯每暑雨流潦

集作淹

輒傷大田公乃峻為

之防坊使其衆人就安利稼皆登大曆中鄜坊節度使表為上

介遷監察御史殿中侍御史中推策畫一以咨之成師足食邊

備益固使罷除昭陵臺令貴強皆貪奸冒法禁公職在充奉露

章以聞已

集作非

為巧言所中生貶建安尉在途累疏詞理劇切

上覽而直之罪人就誅牽復屬太夫人棄敬養真元初移蘄州

長史尋徵還京師執事者銳於引重公亦啓心獻熟會一人有

漢宣共理之歎拜泉州刺史泉人且之入為宗正丞時卿長與

其貳不相能告訐之書粉然文梓

集作交

詔公平之皆得其中自

後屬籍旋讞頡其廳斷兩造以明九族以和九年授果州刺史

先是理下無解署官司無令書節用量

集有功度字

經構講百堵乃

興九章燦然政用樂易人皆輯附居部明年有女道士謝氏白

晝上昇優詔嘉異州閭咏噴十一年以課最陟為司農少卿國

泉邦用精力區處利病陳聞摩不織悉十四年宸心憫雨北屋

艱食出其陳陳以活元元又百吏之祿原以粟易弊則輕重相

準而便於人皆自公發之也公稽覽故志通練程品嘗獻君國

便宜五章推理道以及人事其他奏議皆附經術有蹇蹇

周易同

匪躬之操焉渥澤日加方厚其屬任而才命相盪未之如何十

十五年三月乙巳以疾終于勝業里私弟享年五十九夫人榮

陽鄭氏其官某之孫某官某之女姿操柔明先於公若干年而

歿乃者以公之勤追封榮陽縣君其孤曰昌舉進士甲科淑行

至性公族稱其有後以其年五月甲寅龜筮襲吉血涕奉喪祔

葬於萬年縣某原先公之兆域以德與獲詳賤履俾篆斯文其
銘曰
昔在靖王愍策司空至父兄亦命三公公族家代車服以庸矣
司農直房懿恭行惟遜悌仕乃廉忠利刃荆鍾輕翰翔風時方
大來命財不融抑連遲遲棘人克克如覆厦屋歸全舊封圓石
琢求銘識于中

監察御史清河張府君墓誌銘

君諱衆甫字子初清河人曾祖尚皇海州司馬祖弘藝皇兗州
曲阜縣令考隱皇淄州司戶叅軍君為諸生能以學行自力寬
廉而溫朴厚而文居易向晦固窮不交故年過耳順而方脫章
甫冠惠文亦不苟也初為轉運使所辟解巾太常寺太祝轉河
南府壽安縣尉罷秩歷年僑居雲陽時以緣情比興疏導心術

志之所之輒詣絕境間以羈旅游京師卿大夫聆其風者方以
聲韻屬和不暇會准 寧君帥之至始也脊棟僚佐求仕於

朝朝賢多以君為才辟書荐至俄拜盟察御史且為從事謹言
幕畫舉無違者徵軍實於廣陵因陟江省家道病沉痾不克復
命以建中三年三月日至家而終享年六十八夫人汝南周氏
先於君歿其孤曰實曰宇年並孩齒未勝練經遂以某月日權
柩馬嗚呼貴仕肩壽或與令德不并此昔賢所以為歡姑以景
行茂實賁于重泉銘曰

洪範之義享用五福展如之人且荷百祿嘉言婉婉則罔攸伏
既鐵其冠亦誅其服浮休法法歸全返真喬木荒墳于嗟乎張
君

御史大夫王公墓誌銘

常哀

尊主直人則醜正者售禍摧眸才忌則害能者構忤况位抗幸
府勢傾一時天下之事懸在掌握而剛腸立朝鷲鴉橫狄一作
匡拂摩切姦邪是懲至使陰謀協比承問竊發曖昧摧辱加於
大臣公諱鉗太原祁人也昔在玄宗之盛外攘獯戎內立制度
混一天下圖萬世安至于軍旅征伐府庫賜于聲明羽儀禮文
憲則莫不懿鑠震曜庇鴻精備國用存費闕於經入固宜有卓
立大才統集其事公當此時以御史大夫領京兆尹佩帶使印
十數焉黜幽陟明考察風俗地征國賦均輸一作平準天子六
閑上林三官皆摠制之未與前殿離宮下苑亦護作焉公以典
訓經之文法緯之明察網之廉平紀之其運也合變陰陽有以
鼓其動其密也至精鬼神不能窺其隙街策害群之懸鈴鍵多
門之蠹裁非物計億事沛有餘力矣動一節搖百枝無所竄情

矣故威檢轂下風清關右紅粟冰紉露積朽腐星精雪駟外廐
填溢廣靈囿之百年奉祈年之萬春漢家水衡少府錢四十萬
至是而過之俾我巍巍之朝四海極富不一變於太公之力焉
入則轉移大謀出則平決群議天子垂拱於旒宸宰臣高抗於
朝堂時佐輔陳希烈忌公有宰相器憂在移奪又揚國公與公
推勢相領事不兩立會有兇人邢宰唐書陰聚姦黨於長安里
舍中公以京輔都尉之卒逮補悉擒詔公與廷尉雜理而劾烈
洎國忠使法吏以牘背喻風指於兇首引公受弟鐸連公坐具
表其狀詞自拘於司敗上以罪不相及猶遣使慰厚之而沉猜
岡上者密白而下其書舊制大臣不對理陳寃天寶十一年四
月十三日奉鬻纓盤水北面拜詭而自裁妻子移隸宅于荒服
嗚呼歷觀憂國受君之臣忠信未達而左所鞠按成其無狀之

罪豈勝言也則王章晁錯納忠漢朝衣冠僂於都東一作市家屬徒於合浦古人有言曰刑罰出於身實難自他之及又何害也知我者其天乎公始以茂才異行首於策詔凡四位王官之邑七領憲府之命一至殿省再遷臺即大司空大司徒各一官族德政燕國公張說已敘於烈祖之碑夫人河東郡夫人薛氏存與其棗歿與其辱南北萬里流離十年飲恨餘生以存宗祀以大曆三年五月終于某所嗣子稱以天下之豐承覆巢之餘遷遂炎海幽窅霜露家未悔禍慈親凶婦生人之艱無稱之比永惟先君及難葬故有闕泣血忍死獲終哀誠以大曆五年三月二十一日合祔於中書皇考貞宅之次相國許昌公嘗感府辟緬然懷舊改贈移窆周於宅喪有以見京兆知人之明許昌報德之厚哀追叙遺烈亦門生表墓之禮銘曰

智者謀始不能知終明者察微昧於數窮任我以事效我以功吉凶悔吝生于中中無端茫茫蒙蒙伏恨黃虛孰問蒼窮小君從祔松栢來

太子賓客盧君墓誌銘

前人

上於大臣存歿優禮若忠厚篤敬勤勞有勲則錫以追命之冊延曜耿烈使之昭也大曆五年七月癸酉制故太子賓客盧正己可贈太子少保昔唐虞之際龍作納言咎繇賓刑其在周漢申伯子藩南邦郡公宅師東郊四皓輔翼太子公嘗拜蜀郡長史成都戶劔南節度採訪等使大理卿刑部侍郎工部尚書東都留守太子賓客悉更乎明哲道德有聲香於前世之臣所任也才難不其然與公之作鎮也玄宗自育方便雍以千官六宮南北軍之從留屬始二年矣而元元給輸費若以公徃典通義

唐安二郡以理平遷通州刺史七州採訪使又課最遂止
輦草詔而命之翼勤則黜幽化源以清則群服庶尸執事之人
不欺矣糺逖則攝懷亂略以寧則蠶夷君長異姓侯王從又矣
匡困則資無錄賦既平則鰥寡孤獨廢疾者知所養矣旌德訓
農讓大行則三老孝悌鄉嗇夫知所勸矣公之義刑也先帝以
天下初定禁網踈闊朝庭郡國齊革舊章於是草具刑條制刑
祿三卷以成後代法程無爽悔無伏罰矣公之居守矣自胡烏
入洛三川大殘長樂衛尉悉無官守中臺文書盡成灰燼而白
晝大都之中剽吏奪金殺人橫道河南戶不能禁公以明恕清
汙俗以淳和消珍氣禮新序旧士庶欣欣勤懋即吏增嚴也校
日引月長四方人大和會翼翼之頌復覩于京師矣公之調護
也儲后方建迪簡首僚以孝友閑傳通明道術而保奉之夫人

賢濟時而不獨善大才當事而不辭難凡所任遇皆以國之難

急帝所親信而在厥服也始以經明四佐大邑三歷京掾五遷

藩鎮三踐臺郎一處右轄再兼中憲以至於九卿元戎師賓居

守小司寇冬官卿公字子寬本諱元裕元裕改名正己宰相世系表乃以為兄弟二人

恐以聲協上之尊稱時方大用優詔改錫焉曾祖君胄虢州參

軍王父貞慶表作真松高尚不仕烈考履冰歷左補闕皆純古尚書作純

佑秉哲本經輔行德類賢續以之長世公含精於天性之道用

晦於先物之智洞于學燠於文慈惠而厚汪汪洵洵未嘗簡彝

不校其犯祿父踈遠家無長物在責居陋樂而不便春秋之饗

僅致君昨賓客之位適容宴豆漿藿未馱于家糧秀不充於馬

餼父賜告得謝安車東歸天子老臣優游惠養早達玄理迨茲

逾深追贈之年二月既望疾甚不施冠帶安坐超然越二十一

日甲申薨于東都循善里之私第壽七十有九夫人榮陽郡鄭氏礼義風教鄉族宗烏澹忘物遷静與貞會公一其好尚偕其貴壽亦古人之所難并也公夢之前祀八月七日終年六十有五權厝于新安縣龍澗原近先塋也將祔而定壙有伏泉改卜斬塢北里重岡之陽吉六年二月己酉乃葬是以緩嗣子前祕書郎兼監察御史翰一身主祀泣盡形遺親交所憂言之感涕永惟先公夫人嘗有昇堂之拜纂揚風烈非小子而誰銘曰

五侯九伯太公征之大路龍旂栢公受之子子孫孫勿替引之前人光明我公昭之天子作師我公師懿德顯猷永世則之

贊善大夫李君墓誌銘

前人

太上立德我咎繇謀之太極至道我老士明之施于子孫令問長世盛衣冠於鄉族傳帶礪于侯社西京有武昭之謚後魏有姑藏之封祚于我唐親則同姓門閥清顯冠於人倫婚姻所仰齊其大也朝會所推勝其長也君諱某字某其先隴西成紀人也曾祖玄道皇朝秦王府十八學士給事中銀青光祿大夫常州刺史祖正基皇太子舍人父犯肅宗廟諱皇善部郎中淄州刺史文章侍從給事黃門官品第三使符至五軍坊司其啓奏殿柱題其名氏並以博學偉才厝位中外藹然聲問揚于家邦公體元精之和得大雅之正入孝出悌蒸蒸如也恭儉寡過學如不及起詩書之廢疾通古今之訓注以五經高第冠名太學而四方諸儒多所質疑是時也玄宗在上天下大同分王宗枝以崇藩屏高選僚友必極時俊非阮渾純粹鄭彥鑒識徐幹之恬淡寡欲匡衡之射策甲科則何以處畏慎之地當敬虔之禮故命公叅陝王忠王義王棣王四府藩佐雖天人帝子不出於

清禁而井賦田租必揔於陟邨公守以廉介謹一有均節用用或有差終不奉教春秋匪懈夙夜在公行之惟艱不易其操何止攀小山之桂虛望神仙對西園之月空疲讌賞而已開元中御史大夫李商隱案東察都之大明黜陟表公清白尤異特拜朝散大夫尋除石衛率府左即將遷太子石贊善贊三善之德周禮其難將四率之府晉朝所重風流名士文武兼才輝映崇賢肅清屯騎屈身屈何傷以天寶十四載正月七日終于東京崇政里之私第享年若干永泰元二月皇帝以肅宗藩僚清節明著家臣秋賚在先志而不忘中尉夜拜嘆流年之已逝又以子列憲臣光我多士詔贈曹州刺史旌有德也夫人滎陽鄭氏明粹柔閑配于君子孝敬感於冬鯉勤儉彰于夜螢先公而終其引盡蓋殯有子二人長曰榮終潤州司功次日挺前監察御

史繼夫人滎陽縣君鄭氏輔佐之道且其家人均養之德度猶

已出一作子有男曰慶前越州參軍從夫啓南鄭城之邑隨子迷

東征之賦江海悠悠然往歌來哭以大曆三年五月日葬我濟

陰守于偃師縣東姑藏公之塋次蓋二夫人祔馬挺慶等性與

純孝幼承訓獎蒸蒸孺慕合葬于防海變山飛銘石不泯詞曰

我之始祖自高丘兮繼有賢王霸涼州兮冕紱班然一作哀冕然班乃

公兮周之姬姓漢之劉兮卓哉濟陰廣前脩兮懷文抱質能剛

柔兮羽陵遺簡誦如流兮介憤單衣從梁趨兮儲官端士侍銅

樓兮長水校尉鳴絳騶兮方期告賜得歸休兮誰謂生涯忽若

浮兮先朝宮臣聖眷留兮追命藩守詔書優兮毅也嗣子難也

淑兮合祔黃腸千萬秋

前大淑父故禮部員外郎墓前人

魯有先大夫其言立於世春秋謂之不朽儒有今世行之後世以成措則君子之道不患時之不逢患其道之不顯故賢哲所以啓正宗教蓋風於人倫垂之無窮者矣賓客諱無名字其河內溫人也曾祖渠州咸安令諱緒王父杞王司馬諱毅皇考慶王文學諱楚珪感以清明粹和高爽顯融經術可以致公卿道德可以居師傳所不至者時人未會歟府君即文學之第三子也伯仲叔季嗣世清德鴻藻振古休聲動時每至銜賢良舉秀才一門擅科半於天下既冠進士擢第其年拔萃登科補益州新都尉開元十年舉文藻宏麗遂上陳皇王之盛下借周漢之諭稽以洪範九疇天人之統災變之異高言躰大久而可驗如賈生之論漢也與孫述同入第二等擢鄜縣尉字文融字文融寵幸用事總領計簿地有不書登下之數者按而籍之乃明割

利詞其石永世不爲

文苑英華第九百四十二

登仕郎胡 柯

鄉貢進士彭 叔夏 校正

文苑英華卷第九百四十三

誌九

職官五

李刑部澥墓誌一首

裴少尹濟墓誌一首

裴監察墓誌一首

穆祕監玄堂誌一首

邢部郎中李府君墓誌

穆貞

有唐趙郡李府君春秋四十有三曆官十有二政以尚書郎柱下史分王命于江淮上元元年秋八月十三日遘疾終揚州官舍之次夫人范陽盧氏先府君三年而少六歲至德二年九月乙亥損於吳興郡長史之館屬以國難家窶靡遑返葬乃各於次而卜宅焉然其引也蓋殯貞元三年嗣子騰世先之文行仕殿中侍御史惟周公合祔之事得請于龜冬十月有一奉府君夫人之喪至自吳楚粵明月五日遷窆于某原禮也府君諱澥

字監永京源宗汎冠蓋功代史氏志其大家牒詳其細曾祖行
敷皇朝曹州離孤縣主簿祖懷一左十年并州晉陽縣尉父雍
問號州湖城縣令代有令聞而無違德府君生而博厚長而敏
達超特簡屬中和直清著書屬詞居處執事非中道不蹈非聖
言不聞天寶中擢進士調太子校書當時海內無事搢紳之徒
以能賦為賢及門為貴其望登朝也如天之不可階而昇而言
語侍從主文典憲之列充其選者必第一流府君以通書舍人
轉左補闕監察御史玄宗季年逆師兆亂亂成於寵上莫得聞
府君奉使朔陲復而露奏其後以直道不可得而親踈為誅其
不附己者所中配流盧溪郡至德歲起家宰江陰歷佐晉陵吾
興丹陽三郡或叅相府張公鎬軍事其佐郡也廉使輒移真守
以避府府大率以古良二千石之理為其佐戎也王師賴焉明

年克復二京博求多士銜拜全部員外郎稍遷刑部郎中言達
於上而惠及於下者非一上元中帝念宗室大臣惣東南節制
時惠任重恣忠賢以貳之詔加府君御史賜銀印朱紱輟為其
介府君方勤王侯伯之事啓其所奉道之將行也未如命何夫
人皇朝刑部郎中瀛汝二州刺史弘憚之孫吏部員外郎汝州
刺史僕之子年若干歸于我孝文禮得樂之性命越自齟齬聞
於家人率是道也移於夫族而夫族之長幼內外受其厚者報
亦知之惟府君才中公卿而位止下大夫爵宜難老而年夭強
仕夫人憑善之積作賢之合天與之偶命與之違命也雙劍相
從萬里同穴始者鳳皇之兆豈吉凶類乎員厚命常僚託誌卒
葬而已銘曰

仁壽才貴天之所大如何李公不卿不艾宛宛內子福孤具美

德椒蘭年夭桃李似續惟賢永懷奉先成周返塋於萬斯年

河南少尹裴公墓誌銘

前人

唐貞元八年冬十月二十有八日前河南少尹裴公諱濟字莊
 時春秋五十卒于京師靖安里之旅舍明年夏四月朔葬于絳
 州聞喜縣之故原從先公居禮也高祖懷鄴皇朝洛州刺史生
 太府少卿昭昭生蔡州刺史劉劉生扶風郡雍縣令瓌公在雍
 縣府君之長子也生而穎秀長而博辯質如瓊枝文如春林尤
 長記誦之學酷重許與之契耳目一曆輒在心口意氣相合坐
 遺刑骸天寶末學優藝全方登俊造之工俄屬國難家疚崎嶇
 險艱以喪往事之居孝稱於所至服闋襄陽節度使來瑱表襄
 州叅軍事屬有勢勝而理負於人爭官者州府畏之公時攝功
 曹掾守文與直不為之撓瑱嘉其所執升之賓介有疑焉一作

輒以咨之他日瑱自相位獲譴已而伏誅凡百門吏兆難解散

公與陳郡殷亮始冒免於保衛終毀家於葬表君子難之故司

徒李公勉聆公之節辟以為屬自江西入尹京兆洎節制廣滑

汴三府以公明可拆獄利可撥繁權可贍給清可澄察而武可

臨戎官歷全吾掾萬年尉三御史二尚書郎以至于御史中丞

職更推官洎支度觀察二判官以至于行軍司馬公之奉李公

也若躰從心李公之任公也若素受彩李公制用公為利器李

公翱翔公為羽翼厥疑作後李公罷鎮遷河南少尹故孜孜勵

精貳前後之政與我同志者必以吳公李膺之名歸之其有所

執賴于周人者非一貞元五年受代來朝上京燕息衡門詠歌

卒歲以俛道長未如命何初公之在滑也方屬兩河之驚不敢

以非疾之憂貽於高堂堅請退閑亦既終養其在汴也有二千

石結根貴幸怙寵傲慢收小惠於下墮大計於上公數其不供之咎請以去之言而未行拂衣自免未幾彼果顛覆李公以是厚禮還公且有中軍中憲之授蓋進退終始不違於道多此類也母弟澄檢校膳部郎中潤大理司直涇前潁州刺史少失先府君之教入學入仕為即為邦皆分之訓誘也夫人隴西縣君李氏故太子賓客翼之子有淑媛之美成公之家事姑公之孝聞焉奉叔公之交聞焉其輔佐之力由中父中外者出處聞焉今也髡首首泣血自雍及絳一號千里行者悲之子曰鋹弱而有立毀過成人謂員平生文親見託為誌其文曰
猗歟裴公昭朗直清哭來發跡和李騰聲處則金養出能保真蒸蒸穆穆為子為孫天闕選推顏壯齡哀哉哲婦為代之程

監察御史裴府君墓誌銘

前人

嗚呼有唐君子河東裴君之墓公諱其字某先伯益之苗裔分秦封晉史牒祥之元魏河北太守萬虎兄弟三人時稱三虎並仕於魏魏都河洛在天地之中故裴氏始有中眷之號公則萬虎八代孫也曾祖某翼州都督府長史祖某溫州樂城縣令父某蔡州司田叅軍初命佐領軍衛倉曹叅軍倅商州刺史李佐戎事遷同官縣丞李侯移鎮桂林統師南服表公為監察御史介澄察之政至今二府思李公之美繫公是賴使罷咸于洛陽不幸遇疾以貞元六年秋八月庚申終于立德里之第享年四十有五明月辛卯葬于首陽山之陽龜筮與人三者習吉有子四人男曰綽曰約長一作方齒幼能言女子子孟少綽季少約母弟佐洪州南昌縣尉充本道廉使從事訃之未及河南夫人穆氏祕書監新安公之季女惟是一日二日洎踰月之事實弱妻

主之吾聞之生也全其道沒也全其素是之謂君子公性充天
醇氣與道宜行本忠恕文以禮樂可不謂全其道乎遘勵彌年
待變弥月疾能銷公之醴而不能滅公之和命能天公之生而
不能沮公之正不可謂全其素乎表之以君子言之者無愧銘
曰

秘書監致仕穆公玄堂誌

前人

唐貞元十年十一月二十一日公棄養于東都歸義里私第適
寢明年四月嗣子贊泊質負賞奉遷靈座祔曾王父母于嬭師
首陽山之北原贊等惟刻石識墓非周孔之訓窮入室之奧史
精歷代之博非聖人之教道則知而不言每語及三代損益以

逮於國朝典故莫匪成誦聞者退銜於卷則文字甲子摩差毫
釐或為卿大夫話其世代蓋郊子范子自言其祖不之逮也仕
四朝更三紀歷官二十五政德養政事無非殊効且未嘗有如
分之報而三黜一免典之善與人交始不以諂瀆合終不以生
死異嘗從王事歷佐推臣出入於期冢之門雖周鄭文惠田竇
奪祊被不我疑我不被貳嘗宴居誨群子曰吾聞君子之事親
也養志為大吾之志也直道而已爾事君事人或枉其道曰以
三特五鼎充吾之庖非養也苟繼吾志或承患難則義重於生
宜從其重烏贊等祗荷嚴訓仕於天朝贊以御史中丞質以
右補闕皆以守職不避強禦番惟譴逐員以待御史佐東都留
守不敢陷所事殺無辜賞以監察御史叫帝閣解凡難迭逢因
尼公申誠曰先王之道泊爾友朋之議及吾異日之訓爾無虧

焉受子者教之以義方不聞以憲爾其勉之貧等永惟古人有
欲養不待之痛公高尚不事侍養十年而貧等官薄命奇不自
極於不才不孝之分內乏擊鮮之獻外貽非疾之憂是以上天
命神罰以不得自死之苦夫不死之道有不敢不能貧等伏念
為公之嗣且太夫人在堂是則不敢負不肖不逮於義劣不能
死荒不及文哀舉大端永閔幽宅

文苑英華卷第九百四十三

登仕郎胡柯

鄉貢進士彭叔夏校正

文苑英華卷第九百四十四

誌十六人

職官六

李少尹佐墓誌一首

嚴司業墓誌一首

李中丞史魚墓誌一首

劉給事迴墓誌一首

梁補闕肅墓誌一首

柳府君墓版文一首

魏郎中弘簡墓誌一首

京兆少尹李公墓誌

穆員

有唐故京兆少尹隴西李府君諱佐字公輔年未克其志位未
半其才君知其賢天不濟其用親待其養命不偕其榮貞元六
年年六十有一三月丁巳終于長安興仁里閏四月丁未夫人
范陽縣君盧氏奉公之表達于洛汭月日壬午弟前監察御史
俛承公之喪于告成從先公居且曰理命初公以疾得謝沉痾

累戰三事群公僉謂公仁可長人武可訓戎正可持刑推可謂
 賦其忠肅明敏允宜尸京前往執事當趙張三王吳公李膺之
 選輒遲遲其授以俟公之起而公之未間然及時賢聞此一作
 凶計歎嗟之聲浹于上下詔贈同州刺史賻以布帛故事公卿
 薨位有以震悼于上心者則及追贈其或加等申之以贈公以
 貳尸去職禮優飾終有以見才拔乎萃恩超于時若假之永年
 以極其遇詎可涯也嗚呼惜哉五代祖禮隨禮部尚書絳郡公
 祖元恭皇大理少卿知吏部選事父誦高名下位陳州宛丘縣
 公十歲而孤居喪有過成人之感太夫人榮陽鄭氏仰之然後
 復於禮弱冠擢明經調婺州武義縣尉以清白苦節聞故相彭
 城公辟以居事凡三遷至監察御史領江西之賦又遷申州刺
 史戎師作亂移公隨州其後僭逆公先奉太夫人在逃旋為折

簡召公公以自脫之計未售辭疾者再元兇使其徒來劫公語
 以疾愈自祇赴者與逆徒偕先是熟與舅氏克鈞期於境上克
 鈞日涕泣于襄陽節度使賈公公感而義之為出敢死之士克
 鈞亦毀家行賂以賈勇奇兵如約公以輕騎脫焉表公為倅者
 荆南江西鄂岳三府上以鄂岳請命先至除檢校戶部郎中兼
 侍御史充都團練使鑿駕還京公奉章朝奏是時梁汴圯隔漕
 運不至逆將跋扈屯于近郊關鋪困於兵蝗帑藏索於錫與上
 以貢賦之入必由江漢擇全才領商於之地以關南門於是有
 刺史防禦使中丞之命公心周庶政手集庶物明如理身勤如
 理家俾天収其災地盡其利峻嶺重負至如川流詔如朝議大
 夫賜金印紫綬封太夫人榮陽太君賜以子官其事刻之金石
 實吏部侍郎李公為之頌無何授桂管觀察經畧使部內不及

朝貢之羈縻州者十八舊例首領盡於官署為刺史一州所育
 悉以奉之其魚肉斯人之甚有來頌者率以遐遠阻險非文法
 所及置之公於是易之以中土溫良之吏越人之男女不為所
 鬻資嘉不為所奪悅而戴之相與稟令其移風易俗如此者非
 一累以親老陳乞故有亞尸之拜是則假道無如命何初死丘
 之人吏感府君之明惠而矜公之孤藐相與竭於賄子所以送
 死養生之異兼焉太君曰昔吾夫之所以為生也今以歿而受
 賜則是死吾夫也畢以辭之公是由奉先公之貽訓太君之清
 德常恐失墜三為郡一為帥從公仕一作者二十六年退居無具
 樂之資沒大無護終之直室有孀婦昧絜孤甥者數房孀與孤
 者亡無怙之卹一女孺然俛以其弟二子彥生公之後焉嗚呼
 為富不仁為仁不富信矣積善餘慶何其不信哉不然公之所

豐者仁義所不公姓劉氏諱迴彭城人楚元王文之後也當漢
 興諸侯王子孫唯楚為盛世為儒宗光耀史集作謀冊以至公大
 父皇朝尚書北部郎中贈徐州刺史府君諱藏器徐州生烈考
 右散騎尚侍贈工部尚書居巢文公諱子玄初文公儒為天下
 表有才子六人曰旣曰餗繼文公典司國史時議比子長孟監
 曰秩曰迅以述作之盛德行之美追蹤孔門曰彙與公用剛直
 明毅焯於當時故言卿集作鄉集作族者舉盛業公名其家公好學善
 屬文天寶中進士登科解褐拜江都尉轉左金吾兵曹介江南
 西道採訪使歷大理評事監察御史入為殿中侍御史出為永
 州刺史未行改戶部員外郎尋佐江淮轉運使授集作著作換著作郎
 加檢戶部郎中國子司業三領侍御史當是時中夏初定而兵
 未戢故公所受任以餽運財賦為先而公亦飭躬莅職所到無

不均不安之患大曆初詔擇二千石遂授公吉州刺史三載績
成銜拜諫議大夫遷給事中移疾請醫于洛陽亨年若干以建
中元七年月日終于某里私第嗣子某泣血孺慕以某月日奉
公之喪權窆于某原惟公貞方端肅居敬行簡和而不同直而
不倨博聞集作見強志樂善下人在諫司陳古今以通諷諭言發
而王度潛潤事行而天下莫聞及夫給事黃門釐舉典要壺遂
之才未展士安之病已深吾道豈窮大運斯止嗚呼始公祭酒
秩功曹迅並與故相國道豈窮房公瑄厚善也集無也字其終也趙
郡李公華誌烏洎公在廬陵治行尤異則故國崔公祐甫頌為
蓋伯仲德美煥乎金石試為斯文銘曰
惟堯之緒佐漢開楚道集作導長源兮比部蘊人文公允文集作新
闢儒門兮重世掌史遷固慙美立斯言兮惟公才明剛中志行

直道發兮累佐史臣一麾牧人遺愛結兮給事于中遭集作命

不融神理忽兮丘有夷淵有實舟斯失劍斯沒石城兮

右補闕翰林學士梁宣墓誌

崔元翰

唐右補闕翰林學士皇太子諸王侍讀史館修撰梁君諱肅字
中其先安定人繇漢魏已降至于隋氏世有爵位家貴門盛刑
部尚書邯鄲公曰毗君之五代祖以至于唐朝散大夫趙王行
臺記室且春公曰敬實君之高祖朝散大夫右臺侍御史曰愕
君之曾祖祖昱終于莫州任丘令父達止于司禦率府兵曹參
軍事安卑于燕薊避亂于吳越故其世少襄烏君嘗為司禦府
君靈表以表其墓自叙其世系甚備公建中初以文詞清麗應
制授太子校書請告還吾相國蘭陵肅公薦之擢授右拾遺修
史以太夫人羸老有沉痾之疾辭不應召其後淮南節度使吏

部尚書京兆杜公表為殿中侍御史內共奉管書記之任貞元五年以監察御史銜還臺非其所好於是備諫諍而佐於大君傳經術而授於儲后典文章於近署垂勸戒於東觀授赤紱銀印之錫聞者榮之九年冬十有一月旬有六日寢疾於萬年之永樂里享年四十有一詔贈禮部郎中賻以布帛十年春正月二十八日葬于京師之南小趙村之原子微之弘之俱未冠嘗學文矣幼子未名小字振振夫人京兆帝氏抱之以縑從其轉車哀感行旅嗚呼居之寓于江南十六而先府君歿事祖母以至孝聞在羈旅之當離亂之際貞國未嘗忘於道廉讓而未嘗戲旋作於義年十八趙郡李遐叔河南獨孤之始見其文稱其美由是大名彰于海內四方之諸侯洎使者之至郡更遣招辟而絕者遺故吏事風流於後豈物莫兩大而使然耶俛以員兄

弟偏公之遇辱命為誌悲而不文銘曰

君之生業成官達尊親揚名天錫純孝古之遺清君之沒背高堂去白日恨榮養之不終吐遺言於將絕祔君於先嗣君於後賢哉悌弟之心有以復君之友

國子司業嚴公墓誌

前人

公諱某字某馮翊臨晉人其先有漢太子太傅彭祖為佐馮翊子孫家焉十二代祖翰東漢末復守本郡後四葉至元魏平南將軍郃陽侯雉玉又四葉至皇朝洗州都督君協君協生魏州司功叅軍贈太常少卿方約公之祖也方約生銀青光祿大夫左庶子贈宋州刺史損之公之彌也自平南至洮世以侯國相襲事名聲稱之府君并葉之祥鍾生知之美用為孝悌用為忠貞用為循良用為道藝出處終始小大由之天寶中以門子經

行擢弘文生調叅江陵府軍事時所奉之主求王璘陰有吳淠
東南之亂致公賓友之禮公迨其將北而未發也以智勇免之
受命師南國洎督王賦者或咨公以畫或倚公以辯三遷至大
理司直銀印赤紱慎選京邑從容臺署歷京兆府戶曹掾殿中
侍御史虞部員外郎河洛思其理理行發聞拜河南令刑部郎
中雅素儒學遷國司業建中宰政怙威朋家構閔公以親累貶
潮州司戶時泰道長公議與一作典能擢連州刺史換柳州累加
朝議大夫封馮翊縣男旌異政也公母弟士良並襲黃之寄蓋
不勝形影分離之憂及聞士良罷歸公亦陳乞自免願言相視
而終老烏旣至京師復拜國子司業無何士良出牧公悼別加
寺忽忽不樂燕居如失貞元八年某月某日歸全于長安新昌
之私第春秋六十有五初公自柳之歸也有從祖姑世父母身

沒嗣絕旅殯越卿公甫訇發言毀家襄事各遷祔于先塋服仁
義者歸心焉夫人彭城劉氏右僕射彭城公之女生子男三人
先公而歿祔先怙于龍門山之北原事具前誌嗣子纂次子筠
季子篆皆感過于纒毀疑於戒冬十一月二十有一日奉公歸
夫人之室且從先君銘曰

嚴氏阡北原上先賢後賢如相望我歸曷歸歸此一作室我友
俟我以琴瑟杳長夜兮無白日

侍御史攝御史中丞贈尚書戶部侍郎李公墓誌

梁肅

公諱史魚字某趙郡棘人也隋下邑令大經玄孫皇朝襄州錄
事叅軍玄暉曾孫連水丞藻之孫青州司法叅軍贈和州刺史
萬物之子其先干木藩魏武安霸趙司隸盛於東京持書別為

集作西祖載在紀諱于家有光自下邑至於集無和州四世無

蓋克先俊德天姿俊集作邁少負英氣清明博厚虛受特達行

本於孝友業成於文章開元中以多才應詔解褐授秘書省正

字時海內和平士有不由文學而進談者所恥公以盛名冠甲

科群輩仰之如鴻鵠軒三字集作在霄際矣秩滿調補河南參

軍歷長安尉監察御史時宰相李林甫當國怙權稍鋤去異已

者公外不附離內不攝憚竟為所陰中貶來陽丞累移至朝邑

令下車周月而頌聲作上方銳意武功寵厚將邊拜公殿中侍

御史叅安祿山范陽軍事河北首亂公脅在圍中危冠正詞詣

集作讓元惡勢迫難奪集作望重見容朝庭雅知公忠遷侍御

史克封常清幽川行軍司馬隔于虎盜詔不下達公與張休獨

孤問休密結壯俠志圖博浪之舉間遣表章請因河潼之守帝

用深歎吾謀未行會虜將能人姓元浩擁師河上集作公詭請

勞撫因以大義諭之能以知復翻然向順裂賊左臂繫分之力

是歲至德二年也相國張平原鎬以狀聞復授侍御史攝御史

中丞克河南節度叅謀河北招諭使中朝方倚公以重任戎鎮

又咨公以成務公委身蹈難非節違亂歸正非公叨恩受祿非

義僂俛從政吾何以安假公事東至江淮以上元年七月二十

六日遇疾終于揚州官舍春秋五十六槩葬于禪智佛寺之側

貞元元年嗣子踈以谷口扈從之勲朝庭追思追贈公尚書戶

部侍郎五年歲次丁巳某月日始歸窆于某鄉某原上拒損館

凡二十有九年不得吉卜且世難是以緩夫人河東郡君裴氏

河州刺史某之女吏部尚書寬之姪以禮佐君子降年不永春

秋若干天寶二載終于洛陽至是附焉傳稱有明若不二字集

當世其後必有達人惟公含章挺生好是正貞蹈難全德終然
允藏蓋道與其仁神輔其志宜乎其有後也疎以文藝吏事歷
中書舍人戶部侍郎天子以為才任方鎮加左散騎常侍知鄂
州軍州事領都團練觀察使長才位厚而壽不至士友痛之疎
弟竚長安尉亦早卒最少曰竦純懿集作孝而文克奉家業咨于
從祖父殿中侍御史臯魚緩卜北域以寧神宅臯魚於公集無公字
天倫之間有知己之道泣叙美行俾予誌之其文曰
時之晏卿雲爛焉鳳于飛上清漢五道行年集作斯行路方半時之
昏沴氣鯨鯢蕩海橫中原側身西望不敢言忠莫渝兮計獨存
奮辭感激牧東藩雷雨作解草木蕃一隨逝水空遊魂播清徽
集作音與茂烈永延耀集作輝芳垂後昆
給事中劉公墓誌
前人

賔禮之其升於朝無激訐以直己無逶迤以曲從不爭逐以務
進不比周以為黨退則澹然而居於一室傲遺乎萬物貫極乎
六籍旁羅乎百氏考太史公之實錄又老考莊道家之言皆觀
其奧而覩其妙立德玩詞以為文其所論載諷詠法于春秋協
于謨訓大雅之疎道而信頌之寬靜刑為博約而深厚優遊而
廣大其三占之遺有文集三十卷為學者之師式嘗著釋氏止
觀統例幾乎易之繫辭矣前後五歲職必更於清顯擢必首於
俊造歿之日位于及於褒贈之典然而天子憮怛悼痛思有加
焉假之以壽則將有器使之寄柄用之重是直屈於短夭而無
命非不遇也勢交博陵崔元翰哀之乃為銘于墓門職其丘壠
銘曰懿文德垂典則以藻身又華國命之短哀何極

叔父殿中侍御史府君墓版文
柳宗元

柳氏之先自黃帝歷周魯其著者無駭以字為展氏禽蜀本有氏字

以食菜為柳姓厥後昌大世家河東嗚呼公諱某字某魯王父

請朝大夫徐州長史諱字夏遺貞白之操表儀宗門王父朝散

集作大夫滄州清池令諱從裕垂博裕之道啓佐集作後胤皇

考湖州德清令諱察躬弘孝悌之德振揚家聲惟公端莊無諂

徽柔有裕峻而能容介而能群其閨門也動合大和皆由順正

愷悌雍睦莫有間言故宗黨歌之其在公門也釋回措枉造次

秉直事不失當舉無批政故官府誦之用冲退徑進之志以弘

政友道信稱於外為用柔和博愛之道以視遇孤弱仁著於內

為此公修己之大經也自進士登高第調受河南府文學秩滿

渭北節度使論惟明辟為從事受太常寺協律郎元戎即世罷

職家食無何朔方節度使張獻甫辟署參謀授大理評事賜緋

魚袋改之度集作判官轉大理司直遷殿中侍御史加度支營

田副使此公從政之大畧也既佐戎事實司中府匪頒有制會

計明白嗚呼分閫委政繫公而戎務朝右虛位待公而周事宗

門期公而光大姻黨仰公而振耀貞元十二年歲在景子正月

九日壬寅遇暴疾終於私館享年五十痛矣夫人吳郡陸氏洎

仲弟綜季弟續家姪某等抱孤即位率備禮祇奉裳惟歸于

京師以某年二月二十八日庚寅安厝於萬年縣之少陵原禮

也公有男一人始六年矣在髫知孝呱呱涕洟凡我宗戚撫視

增慟嗚呼哀哉初公元元凡以純深之行端直之德名聞於天

下官至侍御史持斧登朝憲章肅清常以先公之神未克遷祔

不正席不甘味及撰日定期而昊天不弔志奪禮廢實敬承遺

志行有日矣而閔凶荐及不克終事則我宗族之痛恨其有既

乎惟公進敬於孝養致毀於居憂表正宗姓觀其他族故家集
宗人咸曰孝知方輿公方輿公諱僧習以孝德聞修詞以藻德振文而遵志
以為理化之始莫尊乎堯作堯祠頌以為述德之道不忘於祖
作始祖碑以為紀廣大之志叙正貞之節不嫌於親作元兄侍
御史府君墓誌其餘諷詠比興皆合於古故宗人咸曰文如吳
興守吳興守諱暉以文章顯當官貞固確乎不拔持議端方直而不苛故
宗人咸曰正如衛太史大使諱莊率性廉介懷貞抱潔嗣家風之清
白紹遺訓於儒素故宗人咸曰清如魯士師士師諱禽兼備四德具
體而微公之謂矣小子常以無兄弟移其睦於朋友少孤移其
孝於叔父天將窮我而奪其志故罔極之痛仍集為朴魯甚駸
不能文字敢用書宗人之辭以致其直故質而俚輟哭紀事哀
不能文故叙而終焉

尚書戶部郎中魏府君謨志 前人

魏氏世基于某縣某原唐興有聞士諱之過者與子及孫咸舉
進士嗣為儒家綿州涪城尉諱全珪魏州臨黃主簿諱欽慈太
常主簿諱緄尚書膳部員外郎兼江陵少尹諱萬成凡五代名
高而不浮於行才具而不得其錄江陵府君益之以閑達之量
經諱之謀故豪士賢大夫痛墓加厚生郎中府君諱弘簡字日
裕之以文行知名既冠而德禮聞於鄉黨既是而制法禮於官
政溫柔發乎外見而人莫不親直方存乎內久而人莫不敬由
進策賢良連居科首授太子校書歷桂管江西福建宣歙四府
為判官副使累授協律郎文理評事三為御史賜緋魚袋在州
六年而人樂之廉使崔衍曰吾敢專天下之士獨惠慈人乎遂
獻于天子拜度支員外郎轉戶部郎中邦賦克舉人望愈重年

四十七貞元二十年九月三十日不疾而歿震悼之聲遐邇一

辭集注且曰斯人也而不得為善之利中人其急乎君嘗三娶

而卒無主婦庭無倚廬堂無抱孤有令兄弟以主其喪有孝女

以守其祀故哭于客位弔于殯東者咸加哀烏凡為部從事有

喪而當其位者三州缺而居其守者二皆得其理君之先在世

貧不得葬故以祿仕遊於諸侯薄衣食損車馬凡十有餘祝卒

獲于厥心其疾屬之無主後者皆位於墓娣姪之無歸從者咸

會于家由是處約以終其世既劔家宰亢其政視稟唯釜鍾視

藏惟束帛無餘積焉十有一月遣車歸於洛師某日附于墓監

察御史柳宗元聞其道而散其文也久居又同開故哀而銘之

其辭曰即中之道惟直是保淳泊坦厚溫恭孝友即中之文惟

孝是宣導暢周流炳蔚紛綸為周賢能為漢賢良始仕讎校篇

籍有光仍授使檄訐謔用揚二居即位征賦以理休聲載起顯

命伊始生而不壽孰知其止歿而不嗣孰濟其美有翩其旗爰

舉裳惟行道遲遲望墓而歸象物是宜卜筮孔時里人作銘不

愧于辭

文苑英華卷第九百四十四

登仕郎胡

柯

鄉貢進士彭

叔夏校正

文苑英華卷第九百四十五

誌十一

職官七

李翰林白墓誌一首

皇甫少保鏞墓誌一首

張祕監仲方墓誌一首

白居易自撰墓誌一首

贈左拾遺翰林供奉李白墓誌

范傳正

附見李白集

麒麟筋力成意在萬里外厥塊一蹶斃于空谷唯餘駿骨價重

千金大鵬羽翼張勢欲摩穹昊而集無天風不來海波不起揚

翼集作翅別島空留大名人亦有之耶集無故左拾遺翰林學士

李公之謂矣公名白字太白其先隴西城紀人絕嗣之家難求

諱公之孫女搜於箱篋中得公之忘子伯禽手疏十數行紙壞

字缺不能詳備約而計之梁武昭王九代孫也隋末多難一房

被竄于碎葉流離散落隱易名姓故自國朝已來漏集作編於屬

籍神龍初潛還廣漢因僑為郡人父客以通集作其邑遂已客

為名高臥雲林不求祿仕公之生也先府君指天技以復姓先

夫人夢長庚而告祥名之與字成取所象集作象受五行之剛氣

叔夜文集作高捷三蜀之推才相如思集作逸瓌寄宏廓技俗

無類少以俠自任而門多長者車常欵一鳴驚人一飛冲天彼

漸陸遷喬皆不能也由是慷慨自負不拘常調器度弘大聲聞

於天天寶初召見於金鑾殿玄宗明皇帝降輦步迎如見園綺

論當世務草和集作蕃書辯如懸河筆不停綴玄宗加之以寶

裝集作方丈賜食於前禦手和羹德音相褒將三字集作褒美褐衣恩

遇前無比傳遂貞翰林專掌密命將處司言之任多倍侍從之

遊他日泛白蓮池公不在晏皇歡既洽召公作序時公以集作

被酒於翰苑中仍命高大集作將軍扶以登舟優寵如是布衣

之遇前所夫夫人捐館舍禮五十不毀公泣三年集作既免喪

天子復因以宮端事五字集作俾傳壽王加朝散大夫上在集

幸溫泉經時未還還京師人望屬車咸惟集作怨思公獻四十

言二四字集作諷諫優詔棄歎後遷左金吾將軍天寶十五載

二京覆沒公為虜所獲明年戎陳集作奔然後以初秋集作歸

主主字集後二年十二月終于京師春秋五十九夫人雍州司

倉參軍博陵崔脊言之女專靜冲懿慈惠而明用從集作禮以

佐君子有古風列亦天鍾其仁不遠其筭年若干月日歿於私

弟歿六載而公薨俱推曆集作少陵原有四字定彙二字集

街恤茹血不克喪事者九載廣德中家以監御史領高陵令明

年辭縣職始卜筮集作於故原吉乃歲在丙午十一月日遷兆

合祔烏嗚呼惟音形事業悉知集作如化往獨陳迹可知二字集
兵墓存烏非金石則無以示久遠故表而銘之孝子之志也其
辭曰

郁郁金吾洵美且靜集作過事君之忠賢集作資於受敬集作親以德

資身其祉宜繁被美輔佐儀形閨門禮樂是悅孝慈是敦百歲

之後令集作合德九原獨以令範集作軌垂諸後昆

輔國大將軍兼左驍衛將軍御史中丞馬公墓誌銘

歐陽詹

墓有誌誌有銘誌記也銘名也名之記墓庶高岸為谷幽攘或

呈情當掩者有所歸認廝馬公之墓也公諱實集作寔字某其先

扶風人生於幽州高祖某某官祖某某官父某某官若干子皆

以推謀果斷稱公則第三人長八尺有美鵬姿鷄靈霜嚴壁峻

樂而後笑時而後言孝悌忠信分義節擊觀容可見好學史歷

代英豪得失皆覈其有不正不聞公自量疎虞之懷難久於密

侍候間上疏請還舊山玄宗甚愛其才或慮乘醉出入省中不

能不言溫室樹空掇後患惜而遂之公以為千鈞之弩一發不

中則當摧撞折牙而永息機用安能劾碌碌者蘇而復上者集

此哉脫屣軒冕釋羈韁鑠因肆性情大放宇宙間飲酒非嗜甘

酣樂取其昏以自富作詩非事於文律取其吟以自適好神仙

非墓其輕舉將以不集作不可求之事其之其意集無此欲耗壯心

遺餘年也在長安時秘書監賀知章號公為謫仙人吟公鳥栖

曲云此訶可以哭鬼神矣時人又以公及賀監汝陽王崔宗之

裴周南等八十為酒中八仙朝列賦誦仙歌有餘首俄屬我馬

生郊遠身海上往來於牛斗之分優游歿身偶乘扁舟一日千

里或遇勝境終年不移則集作時長江遠山一泉一石無往而不

自得也晚歲渡牛渚機至姑熟悅謝家青山有終焉之至盤栢

利居竟卒於此其生也聖朝之高士其死集作往也當塗之旅人

代宗之初搜羅俊逸拜公為集無字左拾遺制下於彤庭禮降於

玄壤生不及祿歿而稱官嗚呼命歟傳正共集作字生唐代甲子

相懸常於先大夫文集集作字中見與公有潯陽夜晏詩則知與

公有通家之舊早於人間得公之集無字遺篇逸句吟詠在口無

何叨蒙恩獎庶問宣池按圖得公之墳墓在當塗屬集無字邑因

令禁樵採備酒掃訪公子之孫孫集作故中慰薦凡三四年乃獲

孫女二人一則集作為陳雲之室一乃劉勸之妻皆編戶集無字

毗也集無字因召至郡庭相見語衣服村落形容朴野而進退閑雅應

應詳諦且祖德如在儒風死然問其所以則曰父伯禽以貞元

八年不祿而卒有兄一人出遊一十二年不知所在父存無官

父歿為民有兄不相保為天下之窮之無桑以自蠶非不知機

杼無田以自力非不知稼穡况婦人之集無字不任布裙糲食而

集作何是所仰給饑于農夫救死而已久不敢聞于集作於縣官懼辱

祖考鄉閭逼迫忍恥來告言訖淚下余亦對之泫然因云先祖

志在青山遺言宅兆頃屬多故於龍山東麓地近而非本意墳

高三尺日已集作益推圮力且不及之如之何聞其所言集作聞

將遂其請因當塗令諸葛縱會計在州得諭其事縱亦好事事

學為歌諸樂聞其請集作語便道還縣躬相地形卜新宅于清山

之陽以元和十二年正月二十三日遷神於集作于此遂公之志

也西去舊墳六十集無此字里南抵驛路三百步北倚謝公山即青

山也天寶十二載勅改名焉因告二女將改適於士族皆曰夫

妻之道命也亦分也在孤窮既失身於下俚伏威力乃求援於
他門生縱偷安死何面目見大父於地下欲求集作其類所不
忍聞余以嘉之不奪其志復并稅免徃後而已今士大夫之葬
必誌于集作墓有勲庸道德之家兼堅集作碑于道余才術貧
虛不能兩致今作新墓名輒刊二石一寘于泉扃一表於道路
集作于亦峴首漢川之義也庶芳聲之不泯集有文集二十卷
或得之於時之文志或得之於公之宗族編緝斷簡以行于集
於代云其銘曰

嵩嶽降神是生輔臣蓬萊謫貞師為逸人晉有七賢唐稱八仙
應被皇象惟公一烏晦以麴蘖暢于集作文篇萬象奔走乎筆
端萬慮泯滅乎罇前臥必酒甕行惟酒船吟風詠月席地幕天
但貴其適所以適集作但貴乎不知夫所以然而然至今尚疑

醉在千日寧審乎壽終百年謝家山兮李之集作墓里代詩流
同此路舊墳卑痺風雨侵新宅爽塏松栢林故鄉萬里且無嗣
二女從民永於此倚斲琢石為二碑一臨幽壤集作一一臨岐
岸深谷高变化時一存一毀名不虧

銀青光祿大夫太子少保安定皇甫公墓誌白居易
公姓皇甫諱鏞字集作始封祖微子也周克殷封于宋九世至
戴公戴公之子曰皇父因字命族為皇父氏至于集無秦徙茂
陵改父為甫及漢遷安定朝那其後為那人伍代祖珍義資建
二州刺史曾祖文房高陵令祖隣幾贈汝州刺史考愉累贈尚
書左僕射太子太保姚洛陽賈氏贈姑藏太夫人公由進士出
身補夏陽主簿試左武衛兵曹克宣歙觀察觀察推官轉大理
評事詔銜授監察御史改祕書郎殿中侍御史內供奉始賜朱

絳銀印克鳳詳節度判官營田副使旅又徵還貞拜殿中改北
部員外郎河南令都官郎中河南少尹歷太子左右庶子並分
司東都俄又徵拜國子祭酒未及謝疾改太子賓客轉秘書監
分都又就拜檢校左散騎常侍兼太子賓客轉疑秘書監分
始加命服正三品又遷太子少保分司封安定縣開國男食邑
三百戶始立家廟享三世公先娶博陵崔氏後娶范陽盧氏二
夫人皆有叔德先公而歿有二子曰璵曰珖一女適太原王諲
以開成元年七月十日寢疾薨于都宣教里弟享年七十七皇
帝廢朝一日是歲十月三日用大葬之禮歸全于集作河陰縣
廣武原從太保府君先塋以盧夫人合祔焉公自將仕郎累階
至銀青光祿大夫自武騎尉累勲至挂上國自布衣而佩服金
紫自旅食而廟饗祖考封爵被乎身褒贈及乎先官品蔭乎後

大其門肥其家儒者之榮無關焉皆求己稽古之力自致耳公
為人器宇甚弘衣冠甚偉寡言正色望而敬之至於宴遊觴詠
之間則其貌溫然如春其心由然如雲也初元和中公始因郎
官分司東洛由是得伊嵩趣愜吏隱心故前後歷官八九凡二
十有五年優游洛中無西集作笑意亡懷集作窮達與道始終
澹然不動其心以至于考終命間者景集無墓之謂為達人當
憲宗朝公之仲弟集無居相位操利推也從而附離者有之公
獨超然雖貴介之勢及仲之失寵得罪也從而緣坐者有之公
獨皦然雖骨肉之親不能累識者心伏號為偉人之公好學善
屬文充工五言七言詩有集十八卷又著性箴集作十四集作
篇居易辱與公遊迨二紀矣自左右庶子歷賓客訖于少保傳
皆同官東朝分霧東周在寮友間聞知最熟故得以實祿誌之

集作而銘曰

賢哉少保令儀金壁其操焉鳳其姿德如斯壽如斯嗚呼人爵天爵實兼有之廣武之原大河之涓龜告筮從吉土良時封于茲銘集作于茲嗚呼少保之墓百代可知

銀青光祿大夫少書監曲江縣開國伯贈禮部尚書

范陽張公墓誌

前人

公諱仲方字靖之其先范陽人也集無也字晉司空茂先之後永嘉

南遷始徙居于韶之曲江縣後嗣因家焉唐朝贈太常卿諱弘

愈公之曾祖也嶺南節度使廣州刺史殿中監諱九皋公之王

父也贈尚書右僕射諱抗集作抗公之皇考也贈肆州郡太夫人

陳氏公之皇妣也都昌令仲端以下四人公之兄也監察御史

仲孚以下二人公之弟也博陵郡夫人崔氏公之夫人也右清

道率府曹曹景宣進士茂玄明經智周公之子也監察御史裏

行揚辦校書郎陸賓虞公婿也公即僕射府君第五子貞元中

進士舉及第博學選登科初補集賢殿校書郎丁內憂喪祿復

補正字選授咸陽尉鄜坊節度使辟為判官奏授監察御史裏

行俄而貞拜歷殿中轉御史部員外郎金州刺史度支郎中

駁宰相謚議出為遂州司馬移復州司士集作馬俄拜集作遷集作刺史

遷集作曹州刺史河南少尹鄭州刺史入為諫議大夫福監觀

察使兼御史中丞徵還再集作為太子賓客再為左散騎常侍

京兆尹華州刺史兼御史大夫祕書監勳賜集作上柱國階兼

至集作銀青光祿大夫封至曲江縣開伯食邑七百戶開城二年

四月某日薨于上郡集作新里昌第詔贈禮部尚書以其集作

年八月其日歸葬于河南府某縣某鄉某原祔僕射府君之封

域焉公初好學長善屬文俯取科第如拾地芥著文集三十卷
藏於家纂制詔一百卷行於代尤工五言章句詩家流稱之嘗
撰先僕射府君神道碑及丞相文獻始與公廟碑由文得禮秉
筆者許之文獻始與公九齡即公之伯祖開元中以儒學詩賦
獨步一時及輔弼明皇帝號為賢相餘慶濟美宜在於公公公
其業襲其文而不嗣其位惜哉矧公為人溫良沖淡恬然有君
子德立朝直清貞諒肅然有正人風在官寬重易簡綽然有長
吏體為子弟孝敬為伯父慈和與朋友信寵辱不驚其心喜溫
不形於色入仕三集作十載歷官二十五享年七十二才如是
祿如是壽如是宜哉居易與公少同官老同遊交心集作慕德
久而彌篤故景宣等以論譔先德見託為文式序且銘勒于墓
石銘曰

有集作唐張氏世為宗文獻既沒鬱生我公我公泯泯學奧詩
雄緣情體物有文獻風慶襲于家道積厥躬駿足逸翻天驥宜
鴻始自筮仕集作于達官六刺蕃部再珥貂蟬大諫選重尹
京才難賓于皇死寵在蓬山凡所踐歷皆有可觀終然允藏已
矣歸全嗚呼洛郊北阡邛迤西原佳城一閉陵谷推遷所不泯
者令名藹然

自撰墓誌

前人

先生姓白名居易字樂天其先太原人也秦將武安君之後高
高祖諱志善尚衣奉御曾祖諱溫檢校都官郎中王父諱鍾侍
御史河南府鞏縣令先大夫諱季康集作朝奉大奉襄州別駕
大理少卿累贈刑部尚書右僕射先太夫人陳氏贈隸州郡大
夫人妻揚弘農郡君兄幼文皇浮梁縣主簿弟行簡皇尚書膳

部郎中適監察御史談弘謩三姪長曰味道廬州巢縣丞次曰
景景回灤州司兵參軍次日晦之舉進士樂天無子以姪孫阿
新為之後樂天幼好學長工文累登進拔翠制策三科始自校
書郎中以少傳致仕前後歷官二十任食祿四十年外以儒行
修其身中以釋教治其心房以山水風月歌詩琴酒樂其志前
後著文集七十卷合三千七百三十首傳於家又著事類集要
三十部合一千一百三十門時人目為白氏六帖行於世凡平
生所暮所感所得所喪所經所遇集作通所通一事一物已上布
在文集中開卷而盡可知也故不備書大曆六年正月二十日
生於鄭州新鄭縣東廓宅以會昌六年月日終於東都履道里
私弟春秋七十有五以某年某月日葬于華州邽縣臨津里北
原祔侍御僕射二先塋也啓手足夕語其妻與姪曰吾之幸也

壽過

一作登

七十官至二品有名於世無益於人褒優之禮宜自

貶損我歿當歛以衣一襲送以車一乘無用鹵簿葬無以血食
祭無請太常謚無建神道碑但於墓前立一石刻吾醉吟先生
傳一本可矣語訖命筆自銘其墓云

樂天樂天生天地中七十有五年其生也浮雲然其死也委蛇
然來何因去何緣吾性不動吾形屢遷已焉已焉吾安往而不
可又何足厭戀乎其間

文苑英華卷第九百四十五

登仕郎胡 柯

鄉貢進士彭 叔夏 校正

文苑英華卷第九百四十六

誌十二

職官八 京官附

杜牧自撰墓誌一首

馬少監墓誌一首

栢蒼部宗回墓誌一首

戶四門守貞墓誌一首

房正字凜墓誌一首

獨孤校書申叔墓誌一首

李校書元賓墓誌一首

自撰墓誌銘

杜牧

牧字牧之曾祖某河西隴右節度使祖佑司徒平章事岐國公
贈太師考從郁駕員外郎累贈禮部尚書牧進士及第制策登
科弘文館校書郎試左武衛兵曹參軍江西團練巡官轉監察
御史裏行御史淮南節度掌書記拜真監察分司東都以弟病
棄集作去官授宣州團練判官殿中侍御史內供奉遷左補闕史

館脩撰轉膳部北部員外皆兼史職出守黃池睦三州遷司勳
員外郎史館修撰轉吏部員外郎以弟病乞守湖州入拜考功
郎中知制誥周歲拜中書舍人牧平生好讀書為文亦不出人
曹公曰吾讀兵書戰策多矣孫武深矣因注其書十三篇可作
乃曰上窮天時下極人事無以加也後當有知之者去歲七月
十日在吳興夢人告曰爾當作小行即復問其次曰禮部考功
為小行也禮部集無此言其終曲集作耳今歲九月十九日歸
集無此因亥初就枕寢得被勢夕酣而不夢有人朗告曰爾改名
畢十月二日奴順來言炊將熟甑裂予曰皆不詳也十月一十
日夢書片紙皎皎白駒在彼空谷旁有人曰空谷非也過隙也
予生於角星畢於角為第八宮曰病厄宮亦曰八殺宮玉星在
焉火星繼木星工揚晞曰木在張於角為第十一福德宮木為

福德大君子救於其旁無虞也予曰自湖守不周歲遷舍人木
還福於角足土火還死於角宜哉復自視其形視流而疾臯折
山根年五十斯壽矣某月終日終于安仁里妻河東裴氏朗州
刺史偃之女先牧若干時卒長男曰曹師年十六次曰枕枕年
十二別生二男蘭白興一女白真皆以某月日葬于少陵司馬
村先塋銘曰
後魏太尉顓封安平公及予九世皆葬少陵嗟爾小子亦克厥
終安于爾宮

祕書少監史館修撰馬墓誌

李翱

公諱某字靈符宣州刺史玄慶集作之曾孫著作即贈少府監
恬之子公九歲貫涉經史魯山令元德秀行高一時公往師焉
魯山令奇之號公為孺子為之著神聰贊由是名聞中書令郭

公子儀奏為懷州叅軍充四鎮伊西楚節度巡官從事河陽三城河東三

集作

府累轉試太府丞因得太原府倉黜陟使裴伯

言謂公堪為諫官薦之於朝拜殿中待御史充昭義軍節度叅謀召為太子贊善大夫遷主客員外即使于海東復命授興元少尹入為將作少監改國子司業遷秘書少監又加史館修撰元和十三年十一月乙酉寢疾卒公博覽多藝弈碁居第三品家貧未嘗問生業祇以纂錄自樂為事撰歷代紀錄類史鳳池錄纂賢折桂錄新羅紀行將相別傳及所集無為文惣四百八十八卷年登八十官貳秘書職領太史雖不極於富貴亦儒者之所難及也夫人穎川陳氏贈穎川郡君先公終三十年餘矣有子七人曰文則由進士補錢塘尉第二第四子文範並早卒曰文同曰文約讀書著文有名於進士場曰文輿曰溪即皆恭

守家法女五人其存者三人未笄文同等奉公之喪以明年二月祔葬于嬭師從先塋謂翺嘗從於史氏之列來請為証

倉部栢郎中墓誌銘

羅衮

近代科學之家有栢氏倉部府君諱字回字幾聖相士良忠州司馬父高毛詩博士贈國子司業君踵父學開元禮咸通中考官第之尚書落之不勝壓屈因罷取家蔭出身選為州縣官歷數任從軍幕為判官皆有聞相國文昭公甚重之授著作郎于蜀行朝上即位數年承反正之後將修太廟時見饗九廟十二室而實七代議者以為天子七廟六經無九廟之文又欲以穆宗宣宗為二廟僖宗為一廟出敬宗文宗武宗為別廟文武百官叅議不能定或薦君於相國徐公遂擢授太常博士及建議請修奉九廟十四室於是授引經籍研校今右發出九廟九代

之義宜追附代宗德宗二廟穆宗宣宗通為一廟以僖宗添為一室敬宗文武宗懿宗為一廟親不可出其推次代室分蓋昭穆為哲然矣又下百官赴尚書省參詳或以為允奏請行之天子嘉獎敬依其議然其徵據乃尚書正文而不用鄭玄之說其法制乃殷周遠事而不敢漢漢魏已下故時人多疑之遂與數家爭論雖未行其議而亟加寵秩始遷虞部員外郎賜緋魚袋歲中轉虞部郎中明年遷倉部郎中加朝散大夫年六十一以光化二年二月二日京官京師某日歸葬先人之塋于邠州夫人清河張氏子廷徽開元禮登科廷焉尚幼君撰王公家廟錄伍卷奏議論難宗廟之書萬有餘言銘曰

幾聖之道予實親之已聖之言予固聞之宗廟之事一何專竒一作非討擿奧且不由於師乃鄙鄭玄乃悅湯伊今世之人安得不疑賜服熒熒省行屢征兀甄一作影衰一作衰華雖死不瞑親見夫子其勢不行夫子既沒庶幾乎明苟如斯言遺恨可乎尚或有知時觀吾銘

四門助教尹先生墓誌銘

張銳

先生諱守貞一作真天水冀人蓋好學傳古者也本乎官族稱爲

尹氏昔有尹佚司周太史暨乃吉甫勤於宣王恪言大勳布在詩博遠祖締魏僕射曾祖欣惰開府大父珍唐棣州蒲臺令父文唐通州三岡令先生積德餘慶天錫純嘏愿而克恭情與理合七歲誦爾集作雅能通書契訓誥集作之義識草木鳥獸之名十五誦三禮能明君臣父子之道定郊廟吉凶之制二十誦春秋尚書能精五行九疇之別集作斷褒貶會盟之節二十五誦詩書及易能辨政教雅頌之始極變化生生之至又能誦古

史百家之書文章草隸之則耻夫流俗背實嚮聲飭華褻末故
每外和內厲元元本本學者如斯不舍晝夜垂拱四年以明經
高第遂授大成自延載之後條限薦長安之初大開貢舉考功
是歲千五百餘人召先生課覈淑慝時稱無滯學矣天子開其
進通經術乃下制曰成均大成尹守貞業隆時習功宣日新集作
就既有屬於分陰俾參榮於伏席可四門助教說說青襟有所
仰矣長安二年六月十日晝夜忽夢麟臺兩局爭召脩文覺而
嘆曰十二日稷吾當往矣因命親族序訣至日安枕俟期俄然
而卒春秋四十可謂古之達化知命者也嗚呼天與之德而不
永其年天與之作而不大其位何乎粵七月十七日葬於高陽
原先君子之舊塋銘曰
尹氏之子其始庶幾為仁由已三月不違謙成德柄學也身基

辟雍洋洋可以潦飢環林之下可以棲遲我實道貴人言位微
修文地下前哲同歸子之知命將歿先期朝衣東首精魄高飛
人之云云胡不悽而高陽之原有匪集作其側郭門真視松栢
一色丘壠纍纍阡陌誰識浮焉休焉我心側側集作我心側

房正字墓銘

梁肅

河南房君諱凜字敬叔者唐長安令思晦之孫殷城令齊全之
子相國贈大尉清河公瑄之族子也興元元年十月終于鹽官
縣之族集作次旋窆于楚州寶應之某原孟子云雖有鎡基不
如逢一作時揚榘亦稱李仲元不訕其志不累其身時無仲尼
惡乎聞若敬叔以五常為師六學為友行年五十八而動不一
合艱屯艱碗沒於道路噫孟軻揚雲集作其知言者歟始集作
敬叔十歲好學十五能屬文二十餘值陸暉為戎遜于東南劉

僕射以賢良薦授祕書省正字常黃門崔中書繼持國柄方待

以儒者之屬職二相免其他時正集作當路君又不能附離乃卷

道退歸美言五經之旨其道大備而去聖竊遠義類繁滋博而

寡要學者罕究乃撮其異同各集作名以彙聚凡三百餘篇草藁

未就遽疾集作厲而歿再耕廢疾申公胥摩世道下哀仁人隨之

歟矣通人趙郡李遐叔常云我思古之人房行古之道房哉房

哉集本此下又有哀哉哀哉四字嗣子某泣序遺列請予為誌文曰儒為德本

德實教源不有達學孰纂屢言恂恂房君行直而溫一匡六藝

獨立顯門宜登師席啓迪蒙昏今也則亡未者曷云荆棘滋茂

芝蘭燒焚命集作今不可問于嗟房君

鳴呼有唐仁人獨孤君子集無字之墓集作附于其父太子舍人諱助

之墓之後自其祖贈太子少保諱問俗而上其墓皆在灞水之

左今王后集作父營陵於其側故再世在此嗚呼獨孤君之和道

而純其用端而明內之為孝外之為仁然而智言而信其窮也

不憂其樂也不淫讀書推孔子之道必求諸其中其為文深而

後允慕右雅善賦頌其要咸至集作歸于道昔孔子之世有顏回

者能得于孔子後之仰其望集作賢之如日月而莫有議者焉嗚

呼獨孤君之明且仁而集作如遭孔子是有兩顏氏也今之世有

知其然者乎知之者其信于天下乎使夫人也大而不可世之

感者猶曰尚有天道僖乎甚雅君諱申叔字子重年二十二舉

進士又二年用博學宏詞校書郎又三年居父喪未練而沒蓋

貞元十八年四月五日其集作是年七月七集作十日而葬鄉曰某

鄉原曰某原嗚呼君短命行道之日未久故其道信於其友而

未信於天下今記其知君者于墓韓泰安平南陽人李行謹元固其弟行敏中明趙郡贊皇人柳宗元河東解人崔廣略清河人韓愈退之昌黎人王涯廣津太原人呂溫和叔東平人崔群敦詩清河人劉禹錫夢得中山人李景儉致用隴西嚴休復玄錫馮翊人常詞致用京兆杜陵人

太子校書李元賓墓誌銘

韓愈

李觀字元賓其先隴西人也

文粹集本並無也字

始来自江之東

二本有實太學

之祿

五年二十四舉進士三年登上第又舉博學宏詞得太子校

書又一年年二十九客死于

石本京師既劔之

集無

三日其友

人博陵崔弘禮買弟以葬之于

六字集作賣馬葬于文粹止作葬之于

國東門之

外七里鄉曰慶義鄉原曰蒿原昌黎韓愈其友人也

集作友人昌黎韓

書石以誌之其銘

集作曰

已乎元賓壽也者吾不知其所慕大也者吾不知其所惡生而

不淑孰為

石本

壽死而不朽孰為

石本

其

石本

大已乎

元賓文高乎當世行過

石本

乎古人已乎元賓

集無此

竟

子博字公濟續父書號聞見後錄謂石本作意為妙方崧舉正信之大抵前輩文字多自改於刻石之後而實本貞實尚未可之况邵氏父子所錄嗟誤非一端何為哉意何為哉

文苑英華卷第九百四十六

登仕郎胡 柯

鄉貢進士彭 叔夏 校正

文苑英華卷第九百四十七

誌十三

職官九

周大將軍鄭偉墓誌一首

周大將軍侯墓陳道生墓誌一首

周大將軍宇文顯墓誌一首

周大將軍司馬裔墓誌一首

周大將軍吳明徹墓誌一首

周大將軍鄭常墓誌一首

周大將軍襄城公鄭偉墓誌銘 庚信

公諱偉字子貞滎陽開封人也周宣母弟就封于鄭河洛之地
即有民人號鄆之君非無郡邑其後蛇鬪於門竊當於鼻韓侵
負黍晉滅陽城其祀忽諸以國為氏祖徹撫軍

周書北史並作祖思明直閣將軍

贈州刺史父先護驃騎大將軍儀同三司襄城郡公青州刺史
 永安中洛城晝掩黃河凌合翟泉盟會之地蒼鳥忽飛武庫兵
 攔之中鱗魚遂上三帥北綫五馬南浮梁武帝大造中原樹君
 伊洛公之憑軼棧車言歸舊壤起為通直散騎侍郎天厭魏德
 政在強臣公恥入亂階乃於陳留起義太祖封函谷而待諸侯
 坐豐宮而朝群后威懷是接席卷西飛大統三年入朝蒙授武
 陽縣開國伯食邑六伯戶尋除龍驤將軍北徐州刺史開陽橋
 之陳解玉辟之圍張旃一作羅於富平被練於伊闕探虎穴而揮
 戈上魚門而懸胄故以策名司勳功高舍爵魏將侯景狼顧荆
 河天子命我偏師赴接垂餌虎口中途背盟事獲文綬公之力
 也除中將軍軍散騎常侍大都督襲襄城郡公食邑二千戶仍
 除使持節車騎大將軍儀同三司餘如故遷驃騎大將軍開府

加侍中常伯位重霍去病之登朝上將官尊公孫敖之出塞以
 今方昔異代同策魏後二年授大將軍事江陵防主都督十五
 州諸軍事吳兵教士艦舳習流島嶼憑陵波瀾衝激公暨臨江
 界已悉南越之兵裁沉樓船即善昆彌之戰遂得安歌豐浦弭
 節峯陽留魯侯而彥章臺對齊人而略雲夢周保定元年授使
 持節都督宜州諸軍事宜州刺史天和六年授督都華州刺史
 餘如故嶠函重嶮汗謂分流陽陵之盜既奔華陰之學還聚而
 消渴年本有相如之患至于大漸遂加范增之疾桐君對藥分
 闕神明李柱侍醫更無方伎以天和六年四月十七日薨時年
 五十七詔贈本官加少傅都督司豫洛相冀五州諸君事司州
 刺史謚曰肅公禮也天子輟朝彌深大臣之議群公會葬咸得
 同盟之禮夫人李氏頓丘貴姓鄉相之門賢才之室霜露先侵

策封效次以其年十一月六日合葬于咸陽之長安縣其原合葬非古既異三王之前死則同穴還同穴義之始雖復銜珠兩鶴同歸紫蓋之松出匣雙龍共沒延平之水嗚呼哀哉乃薦銘

曰

國有嚴色朝多君子武以莊公平生鄉士溫良孝愈明躬田廢祀驟乘停輿來朝履惟祖惟考既侯既公樞機周密出納清通治煩政簡處亂心雄濟河遺惠一作德海岱餘風世濟其美載誕

其器忠無不為孝則不匱幽冀紛梗關河鼎沸自北自南聲聞梁魏揚旌汝頰威震三川擁旄漢江席卷樓船成皋鹿起廣武烽燃糜興麗笏鴈落驚弦物衛蘭錡申威河外山頹鼓接樹如車蓋都護兩道將軍獨拜悟桐茂苑揚柳倡金千金迴雪百曰流霞凋零條忽悽愴榮華河陽古樹金谷殘花隴昏雲暝山深路

脫風氣終高松聲即遠疇昔親交懽愉交結不為平生應為此別

周驃騎大將軍開府侯莫陳道生墓誌銘 前人

君諱道生字某朔州武川人也本系陰山出自國族降及于魏在秦作劉父小興武川鎮將山河抗拒關塞被邊早擅威聲咸多雄烈君讀書馬上清談劍端獨運六奇專精三畧雖復身居未將而勇冠旌門位在支軍而謀參幕府位正光五年任統軍穎天柱爾朱榮征北海王永安三年隨太師賀拔勝入關尋轉別將渭源卷甲關城東馬並皆尅捷君有力烏永熙三年補都督太祖文皇帝奄有關河行令天下以君幹畧委之瓜牙名洽中涓功參山造兵臨河曲前登白馬之津冠發蒲城先戰黃沙之苑臨晉橫般既禽趙將韓信臨晉陳般虜魏王豹其禽趙將自是收熾事在虜豹後未詳馬

陵削樹復下齊兵班瑞司勳披圖疏爵授驃騎大將軍金紫光
祿大夫鄆縣開國公食邑五百戶趙儼之為驃騎正駕單車張
堪之拜光祿長乘白馬以斯連類朝采野之大統九年更姓侯
莫陳氏隨大將軍拓跋遠經始陽二水長關三川無市擐甲構
病死於轅門春秋五十一贈持節都督朔州刺史君在武川文
皇帝同鄉里霸功既立王業克城不忘捨講猶論饋博令嗣德
惟雜功臣迫遠東都馬鳴不無見日之歡北陵車過終億平生
之言有詔更贈使持節驃騎大將軍開府儀同三司都督宜敷
絳三州諸軍事敷州刺史謚某公禮也夫人拓跋氏安邑郡夫
人庭有鍾鼓家承箴誡教容教德言告以歸以天和五年六月
薨即以其年十月同葬於京兆某縣洪原鄉武子成寢請西塋
而合葬平縣下嫁即廬山衛青與平陽主合而共墳銘曰

凝陰遠寂廣莫乎寒沙窮瀚海地盡皋蘭塞鴻秋胡桑夏乾風
土壯氣山河凜然師一作旅上谷威雄武川郡則君則繼踵代
不乏賢匣有忠劍庭流孝泉魏宣多故餘風未珍天保護德當
途廢典上將指縱中涓力展洛城夜捷可梁朝剪秩鈕金龜榮
追玉鉉身胄漢祚問承魏緒並壇華宗俱稱當路伉麗云匹年
齡並故趙琴秦聲同為丘墓小陵石擲洪原鄉墓芻靈兩引池
柳雙前隧路仍合松城即連霜隨柳白月遂墳圓芝蘭幾代陵
谷何年

周車騎大將軍贈小司空宇文顯墓誌銘 前人

公諱顯周書北史字某上黨武鄉人也自大霧浮河長虹映渚

墓源於若一作水纂系於倉林上黨居韓之西常山在趙之北

因地為氏可畧而言焉祖求南衛將軍冀州刺史父金殿征南

將軍定州刺史並控鶴兵俱張戎樂聲榮之盛繼踵當年公稟
山嶽之靈檀風雲之氣容止矜莊聲名籍其彎弧挽強左右馳
射故得名高山谷威振樓煩襲爵安吉縣侯食邑五百戶永興
三年幽井叛換有無君帝顧謂公曰天下淘淘將若之何公曰
擇善而從之乃誦云彼美人兮西方之人兮帝曰是吾心也乃
定入關之策以云母老家大令預計公曰今日之事忠孝不並
君不密則失臣臣不密則失身帝愴然改容曰卿是我王陵遷
朱衣直閣閣內大都督改封長廣縣公戶一千五百戶五帝初
至潼關本祖親迎溱水太祖素知公名而未之識也目於衆疑
而不問直云今此人射水傍小鳥應手即者太祖善公我知卿
名周書北史矣即用為帳內都督滄州諸軍事滄州刺史增邑
井前二千五百戶黃公衡之決土魏后是以推心潘承明之忠

壯吳王為之降禮異代同榮見之今日東夏邊隅地連荒服井
陘塞道飛狐路斷乃以公為使持節衛將軍都督東夏州諸軍
事東夏州刺史白波青犢之兵銅馬金繩之亂莫不交臂屈膝
牽羊抱馬在州遭疾解任還朝小馬留厩餘牀掛社吏人攀戀
刊石陘山雖非漢陽之城還似扶風之路授使持節車騎大將
軍儀同三司加散騎常侍以魏後元年疾甚亡于同州春秋五
十七天子輟樂群公表會太親祖臨弔祭哀慟左右于時兵革
交侵普斷贈謚即以本官印綬推葬於同州之北山今建德二
年二月二十三日遷表於咸陽長安縣之洪瀆原時逢禮樂之
遷代屬謳之變國雖異政人足追榮乃贈使持節驃騎大將軍
開府儀同三司小司空丹延綏三州諸軍事延州刺史謚某公
禮也夫人高氏渤海人也柔泰晉政拒曹爽之異謀起在漢庭

共王陵而俱對况乎箴訓有儀言容以德肅恭中興賢才內則
豈直不聽雜樂以變齊國之風不食鮮禽以斷荆王之獵昔人
命葬季武子之西寢今之同穴長平侯之北陵世子神舉兄弟
至性純孝善居表禮有終於身無改於道是以官成名立孝顯
忠存銘曰

北兵二名葱河兩本其峻惟極其源惟遠俗稟山川人資台衮
義烈相相才惟悃悃乃祖乃父繼踵威雄挺金北陸鳴玉南宮
隱然吳漢賢哉竇融負霜依德無雷向風披此含章生茲秉德
孝實天性忠為人則暢轍鏤鴈鴈南北趙若一作水將通九部

九部可勤惟幄參謀宮闈典職善擇忠信能防變色擊弱已勁
其園乃直戟中小支禽穿左翼建撫赤谷揮戈武州長城萬里
河水雙流穎川多羔淮水未瘳義重穿壁恩深置郵于谷之口

于渭之兵陽山零落俾關低昂草街秋火樹抱春霜書劍俱沒
人琴並亡哀哀嗣子純心摩託孝水未枯悲松先落室進巢雋
門通帟鶴功臣身殞會圖麟閣

軍書西

周大將軍瑯琊壯公司馬裔墓誌銘

前人

公諱裔字遵胤河內溫人也南正司天北正司地是謂西河之
官即嗣重黎之政卯之歸楚與章邯而並封豫之避秦共毛公
而俱去祖龍北之仍君選部水鏡三臺父悅再牧荆河威風
千里而身遭禍機遂為季布所哭獲存遺嗣實賴程嬰之忠國
家追念功臣更撫叔傲之子言思官族還求女齊之胤公姑應
辟為河內功曹除員外常侍汲郡治兵黃河浮馬推疑作鋒軟
關之棲逐北長城之陳授平東將軍北徐州刺史柳泉風塵三
城席卷棠陰鋒鏑千室入關遷車騎大將軍儀同三司開國龍

門縣伯仍除巴州刺史雖復巴水三迴夷歌數曲徒逢白竹之
擎已濟青木之功朝廷以漢之功臣須開上將之府晉之代冑
宜紹瑯琊之國遷驃騎大將軍開府改封瑯琊公食邑一千五
百戶闡近蜜是俟忠貞詔為大御伯仍除始州刺史都督始州
諸軍事蠻夷恃險狼顧鷓張高山尋雲深谷無景九地縱橫三
門起伏峰危馬束水險橋飛遂得谷靜山空冰銷霞散仍為信
州刺史都督信州諸軍事精兵守於白帝足懼色兵之城般梯
下於荊州彌動西陵之戍即授使持節大將軍都督西寧州諸
軍事西寧州刺史將啓北戶之人向通雲南之國聞寵若驚奄
從深夜天和六年正月十八日亡春秋六十五詔贈本官加懷
邵汾晉泗州刺史謚壯周書北史並作定公禮也以建德元年七月十
三日葬於武功之郡三疇原公虔敬純深有隱無犯忠貞亮直

知無不為在戎四十一年身經六十九戰至於多寗並得成功
飛沙擁石未嘗乖律恂恂教義吳起西河之風閑閑鼓旗李牧
長平之政身死之日家無餘財山一作木所資一由詔葬有始
有卒生榮死哀銘曰

祝融是命重黎克舉公族乃建天官一作代序避世於秦承家

於楚金行失馭王鏡鑰輝我之烈祖變識乘機黃旗東沒青蓋
西飛落星置道長州出關及我皇父荆河再撫世屬喪亂身沉
猾堅嗟我遺嗣崎嶇趙武寨覆鳥翼飢吞獸乳獲歸河內更襲
瑯琊年方小馬怨結長蛇藏兵九地置劍千家雪山埋馬冰河
陷車旣乃班政超然榮首朱鷺頻飛金龜轉紐築塞長榆營軍
高柳玉案推食河橋勸酒石門冰釋金堤電散蘆水門閑茅津
成一作茂觀馭風逸翮修途始半建武功臣先悲吳漢沅寥摧落

游揚浸微金城路斷郡鴻人稀風松蓋雲白水山衣賢亡星殞
人沒蘭衰

周大將軍懷德公吳明徹墓誌

前人

公諱明徹字通昭

一作

兖州

陳書作南兖州

秦郡人也西都列國長沙王

功被山河東京貴臣大司馬名高西漢豈直西河有守智足抗

秦建平有城威能動晉而已也祖尚難譙太守父標

南史作樹

右軍

將軍抗拒淮沂平夷濟滌代為名將見於斯矣志氣縱橫風情

倜儻圯橋取履早見兵書竹林逢後偏知劍術故得勇爵登朝

材官入選起家東宮直後除左軍葛瞻始嗣兵戈仍遭蜀滅陸

機終論功業即值吳亡梁公未為達也自梁受終齊鄉得政禮

樂征伐咸歸舜後是以威加四海德教諸侯蕭索煙雲光華日

月公以明畧佐時推圖贊務鱗翼更張風飈遂遠冠軍侯之用

兵未必師古武安君之養士能得人心擬於其倫公之謂矣為

左衛將軍尋遷鎮軍丹陽尹北軍中候惣政六師河南京尹冠

冕百郡文武是寄公無愧焉蕭湘之後憑陵島嶼風船火艦周

瑜有赤壁之兵蓋舳艫艦魏齊有橫江之戰仍為平南將軍開

府儀同三司都督湘衡桂武四州刺史遂得左廣迴局轉車反

暢長沙楚鐵更入兵欄洞浦藏犀還輸甲庫雖復戎歌屢凱軍

幕猶張淮南望廷尉之囚合肥稱將軍之寇莫不失穴驚巢沉

水陷火為使持節侍中司空車騎大將軍都督南北兖南北青

譙吾州諸軍事南兖州刺史南平郡開國分食邑八千戶鼓吹

一部中台在玄武之宮上將列文昌之宿高蟬臨鬢吟鷲部軒

平陽之邑萬家臨留之馬千駟坐則王案推食行則中分麾下

生年若此功業是焉既而全精氣壯師出有名石鼓聲高兵交

可遠故得鱸舫所臨蓋于淮泗旌旗所襲奄有龜蒙魏將已奔
猪書馬陵之樹齊師其遁空望平陰之鳥俄而南仲出車方叔
益止暢轂文箇鈎膺條革遂以天道在北南風不競昔者裨將
失律衛將軍於是待罪中軍爭濟荀栢子於烏受戮心之憂矣
胡作以事君宣政元年屆於東都之亭有詔釋其焉鑣蠲其疊
社始弘就館之禮即受登壇之策拜持節大將軍懷德郡開國
公邑二千戶歸平津之館時聞握馬之嘶舍廣城之傳裁見諸
侯之客廉頗眷恋寧聞更用之期李廣盤桓無復前驅之望霸
陵醉尉侵辱可知東陵故侯生平已矣大象二年七月二十八
日氣疾增暴奄然賓館春秋七陳書本傳作六十七即以其年八月十
九日寄瘞于京兆萬年縣之東郊詔贈某官謚其禮也江東八
千子弟從項籍而不歸海島五百人軍為田橫而俱死嗚呼哀

哉毛脩之埋塞於表流落不存陸平原敗於河橋死生慙恨反
公孫之柩方且未期歸連尸之尸竟知何日遊魂羈旅足傷温
存之心玄夜思歸終有蘇昭之夢遂使廣平之里永滯寃魂汝
南之亭長聞夜哭嗚呼哀哉乃為銘曰

九何宅士三江貫職彼美中拜君之封殖負才矜智乘危恃力
浮磬戰鱗孤桐垂翼五兵卑竭一鼓前衰移營滅竈空墓禽飛
羊皮詐贖畫馬何追荀瑩永去隨會無歸存沒俄頃光陰愴悽
岳裂中台星空上將眷言妻子悠然序障魂或可招喪何可望
壯志沉淪椎圖埋歿西隴足坻黃塵碎骨何處池臺誰蒙風月
墳隧羈遠營魂流寓霸岸無封平陵不樹壯士之隴將軍之墓
何代何年還成武庫

周大將軍上開府廣饒公鄭常墓誌作鄭常而九百十九卷神道碑作字

文帝蓋某
後賜姓也 墓銘

前人

公諱常字某滎陽人也周宣王之弟初封其國鄭穆公之孫始
成其姓祖思慶建威將軍山陽太守考頊儀同三司豫州刺史
南陽坐嘯值此邦君西河建準逢斯刺舉公侯繼踵冠冕鑣連
可得而言傳於史籍公駉亂知禮早年馳譽就經費舍畧見書
堂習武攔偏知劔術雖復年猶小兵學已為儒者所稱位在偏
裨即入將軍之賞大統三年起義華陽授本縣開國男蒙文皇
帝霸迹初基英雄輻湊公拔劔轅門穎川從我洛城逸戰壯於
白馬之兵河橋解圍勇於烏林之策授平東將軍帥都督襲父
封魏後二年授持節車騎大將軍儀同三司車騎用郭淮之勳
儀同取王沉之貴公之此授僉曰得人進爵廣饒縣公邑千戶
保定三年授使持節都督遷州諸軍事遷州九百十九卷宇文常
神道碑作羅州刺史

今常蓋墓誌作遷州按隋地理誌西魏時於竹山縣置
羅州宇文後周於房陵郡置遷州至隋併號房州 刺史即總

領金州兵馬開拓北戎高山尋雲深谷無景梯繩乃上浮竹裁
通閩越影嚮勾吳聲勢公出戰短兵並皆奔北瓦解冰碎山空
谷靜授持節開府儀同大將軍栢梁高宴有大將軍之詩幕府
初開有平陵侯之國比之今日豈可同年而語哉自是假以使
車彼之繡服風謠是察刑政是觀公露節東驅風奔群盜埋輪
當路威振中原武皇帝有盟津之師以公為中權之勁外役決
勝白侍軍謀及文軌既同旃旌已偃斯勳行賞軍吏舉功乃授
使持節上開府增邑五百戶賜姓宇文與國同乘之榮周之宗
盟非復異姓之後蕃屏是寄隆寵所歸公室無疎比之謂矣九
州都督復得其才千里諸侯實侯其政乃為使持節都督東徐
州諸軍事東徐州刺史尋遷南充州諸軍事南充州刺史公頻

惣六條再勞十部俗變風移人懷吏畏滯穗遺秉有利疲人山
桑野蠶足充貢賦化被殊俗威行隣境奏事京師四方第一謂
真刺史其在斯乎春秋未高奄然遺疾以大象元年薨于州鎮
時年六十三嗚呼哀哉吏人扳慕飛走变色河濟輟舂淮沂罷
市以今二年歸葬於滎陽之山詔贈某官禮也嗟陵谷賀遷懼
徽猷之遠永地久 天長敢鐫貞石銘曰

荆河惟豫洛食之本水逸榮波山斜陸渾德星猶照祥風未遠
代不乏賢人無關衮公之生也實降英靈忠為德本孝稟天經
觀書虎館學劍龍亭雕弓偃月行馬流星置陣黎陽麾兵官渡
平陰聽鳥馬渡書樹氣視迴津星占飛步火斷羗營沙崩賊路
及驅犀節乃牧雒州吏不驚大人無喘牛西蠶得歲東作逢秋
草爛獄戶星低市樓五將星亡三台岳拆哀哉天道遂當明哲

棟梁崩懷風雲寂滅北郭長悲東都永別幽深此地宅兆斯憑
山迴虎圈路上魚陵悲風夜烈苦露晨凝蘭芬菊茂終古相成

文苑英華卷第九百四十七

登仕郎胡

柯

鄉貢進士彭

叔夏

校正

文苑英華卷第九百四十八

誌十四

職官十

周大將軍柳遐墓誌一首 周大將軍蕭太墓誌一首

周大將軍趙廣墓誌一首 唐刑國公李密墓誌一首

周故大將軍聞喜公柳遐墓誌 庾信

君諱遐周書作震字子昇河東解縣人也秦始征晉之地漢開平越

之鄉律中夷則星居鶉首况復莊謀於衛既為社稷之臣喜對

於齊無廢諸侯之職也祖叔珍宋員外散騎常侍義陽內使有

徐邈之應對居於散騎之省有及黜之正直理於淮陽之郡父

季遠梁臨川王諮議參軍宜都太守蘭臺石室是所洽聞白馬

飛狐逾高詞氣西部吳一作美融擅名江表言談相會宛如舊焉

君膺令德之靈稟冲天之氣齟齬鬢髮夙智早成送敬自天虔

恭得性含仁抱義履信居貞世父儀同忠惠公特加器異乃謂
公曰吾昔逮事伯父大尉公見語云我昨夢汝登一高樓盡峻
麗吾以坐席乞汝汝或富貴恨吾不及見耳吾向聊復晝寢又
夢將昔時坐席還復賜汝汝位官當復見及王祥佩刀世為鄉
族鮑永驄馬家傳司隸以此連類差無慙德輕車西昌侯作藩
襄漢君時年十二以民禮脩謁進止端祥神精雅正侯因送之
不輟試遣左右踐君衣裾欲視舉動君徐步稍前曾無顧眄魏
后之見劉虞不覺歛容漢主之觀田鳳遂令題柱比之今日曾
何足云驃騎廬江周書作陵王帝子出藩懸衡高選以君華望召為
主簿張坦直諫既稱荀令之香鄒湛知言彌羊公之德諮議有
君於都薨背君奔赴六日屆京師形骸毀瘁不復可識靈柩泝
江中川簿晚亂流乘選迴風反帆舟中之人相視失色抱棺號

慟誓不求不言財利王夷甫之為德不談人物阮嗣宗之為仁
從容亂離之機保此令德舒卷風雲之際無防責仕張衡渾儀
之後即賦歸田杜預沉碑已來遂停鄉里王仲宣有讀書之樓
諸葛亮有彈琴之宅實欲因此謝病閑居終焉嗚琴在膝或對
故人寶劍自隨時過稚子百年俄頃嗚呼哀哉遂使君子之陵
止埋銅劍賢臣之墓唯銘石函銘曰
有在惠居曾居衛義是隨時才堪濟世北部尚書東京司隸
必復其始侯君相繼筆蓋一岳文昌一星青衿辯志童子離經
義最非典書勤營往年靈樞漂泊江沓以君哀慟川后停波揚
名北海馳譽西河誰登九折不入朝歌蔚炳胥變攀倍遂遠白
塵隨軒丹輦附冕位參上將榮兼本選地盤綬結龜迴印轉來
朝平樂歸政咸陽蕃維即啓軍幕仍張起茲禮數峻此戎章長

離宛宛刷羽陵江世急奔流年催驚準滅汶頃轡扶桑搖軫智
士石折賢人星殞西鄂芝枯南陽菊盡愴烏啓首疑作生榮終
極相杵輟春鳴機罷織荒荒胤子視陰餘息霜露履之哀哉
棘龍巢北望鳳厥前觀松長松遠地厚泉寒書埋簡落琴覆絃
寬增行之冊書而納官

周故大將軍義興公蕭公墓銘 前人

昔司徒之敷五教當堯讓之初丞相之惣萬機值秦亡之後若

殷人受氏乃承微子之封梁運應圖實啓延陵之國公諱太

南史並作秦犯周字世怡蘭陵人也太祖文皇帝之孫鄱陽忠

烈王之子派別天潢支分若木直幹自高澄源已遠茂親明德

是稱毛畢之功宗子維城乃建邢茅之國大同元年年十六封

豐城縣開國侯食邑五百戶山臨鶴塞非無陶侃之賓氣連牛

斗即有張華之劍解褐給事中仍太子洗馬公子出身非即官

而同品中朝洗馬異式道而前驅丘疑居之誠為高選大同元

年入直殿省其年轉太子中馬舍人周書作太子中舍人南史

止作中書舍人疑並歷二官南宮宿衛職司蘭錡北閣崇班榮參顧問通籍兩宮得賢斯

在大同三年授持節仁威將軍譙州刺史塞帷祥氣之境刺舉

消憂之地南陽風俗文學更多美稷相迎童兒逾達既而亂離

瘼矣王室蠢然大夫有行役之悲君子有無期之怨皆閉懷楚

扁舟而行江漢奉堂壁之君章羊歸中興之主承聖元年拜侍

中無雙對問實踵武於丁鴻多識舊章足齊衡於王粲二年除

持節平西將軍臨川內使仍轉平南將軍桂陽內使尚方鑄劍

再轉金龜御史分符雙封銅虎豈直鄧攸清白見稱五鼓之歌

劉寵廉能名為一錢之郡遂以天保未定王途多梗選吳不可

歸蜀無路臨淄負海翻然改途寧身清漳垂翅渤海蒙授車騎
大將軍散騎常侍仍為持節都督永州刺史而秦序壓境制折
開城鼓角地鳴將軍天落雖復瓶缶聽聲無防於地道冠繩紫
疑結不却於雲梯諸命受降翻歸都護周朝以楚村晉用不停
於平章趙璧秦求無論於羈遠以保定五年除使持節驃騎大
將軍開府儀同三司義興郡開國公食邑一千三百戶天和二
年授使持節都督蔡州諸軍事蔡州刺史楚垣襄之戍子既布
衣而戊谷魏安釐之母弟亦羈旅於耶戰憂既傷人降年不永
春秋五十有一薨於蔡州之鎮送故人入閨空餘哀服歸軒在
道還更垂帷嗚呼哀哉有詔贈官周書作贈本官加洛謚禮也
五年十一月葬於長安之北原塋里子之墳正臨武庫太史公
之墓直對皋門銘曰

玄鳥遠烈相一宥謨東封宋社西歛秦圖人承佐漢國紹開吳
有美令德茂親藩邸建國皇支承家帝弟率由冥會亮直天啓
轅固聞詩唐都習禮博望之苑金華之宮文林講德武帳參戎
名書柱上策滿惟中託身淄右莅政淮東秦降西逼楚澤南窮
時驚獵火或懼秋風屬期遠畧逢茲應變陣橫十里兵圍一面
月暈孤城塵驚虛援春筍非糧蒿無箭垂翅臥虜夷矜輟戰時
值懷來恩加始賞王爵愈峻戎章更上朱鷺才飛虞歌即響泣
子留恨藏書長往炎涼迭運一作零落山丘霜芬幕月松氣陵
秋嗟南國之王子成東陵之故侯

周故大將軍趙公墓銘

前人

公諱廣字乾歸邵惠公之元孫幽孝公之長子若木拂日長地
委天龍圖幕河之光神鼎連雲之氣六辯構字五運徵祥是以

維嶽降神自天生德凝脂點漆日角珠庭為子則名高五都為
臣則光照千里華蓋中天之峰未階其峻虞淵浴日之水不盡
其源歲在瑯車年方竹馬月中挂樹切問能訓石上木生懸思
即悟年十一孝公薨荒荒在疚孺慕過禮泉驚孝水竹勲寒林
三行克宣八翼斯舉大周建國宗子維城設壇封人分司典命
開國天水郡公食邑二千戶元年授使持節驃騎大將軍開府
儀同三司其年四月授都督秦州刺史孝公久牧汧隴遺愛在
人今建撫我君之子豈獨司隸之臺鮑宣累葉承相之府帝賢
重代二年拜大將軍方衛青之張幕冊重元勲譬韓信之登壇
榮高獨拜武成元年遷都督興梁等十九州諸軍事梁州刺史
嶠冢導漾乃濟漢之東流蔡蒙旅平實華陽之西極其年玖月
改封蔡國公食邑戶萬地接韓成閔陵楚彰戶封八縣恩深冠

恂之功邑啓萬家事極曹參之賞保定不憚棄官樂毅之求燕
路無辭千里至如應變將畧雷電立成帷帳謀猷孫吳闇合有
品藻人理之志有清平天下之心鵬路忽摧龍津遂雍嗚呼哀
哉太宰早茂三荆長辭萬始撫養遺孤連枝同氣馬援之誠凡
子義存謹飭王况之事世叔情深愛敬同德比議此之謂乎乃
為銘曰

御乾從紀乘離作聖白環讓德玄珪受命平一地紉增輝天鏡
傍廡敷國前臨七政地屬先登一作陰時逢下武玉璜撥亂金騰
光輔刊晉承家邢茅祚土波分建木派流玄滄景命寅序徽猷
淵塞忠有令圖孝為全德山卽莅政栢珪守國澣海將臨燕山
行勤平樂高宴金華說經論儒壁水親禮明庭相風待賦承露
須銘乘舟向日策馬隨星德舉克明能賢名淑上將受賑元戎

推轂趙失東漁胡亡南牧箭下遼城泥封函谷袞衣頻露丹旌
函卷約法清推擊辭理遣盜烏縣察疑蛇立辯人共官園家同
野爾簡雲推搏風落仞星裂中台山傾左鎮夏楹舍爵殷階啓
殯終幕躡行明於庭引秦川直望隴水分飛山河滿目客衛靈
歸陵圖石馬車畫袞衣小山摧落長臨變衰悽愴厚隰荒涼宅
北樹蜜人稀山多路少十里松城千年華表夜臺方寂窮泉無曉

唐故邢國公李密墓誌銘

魏徵

觀夫天造草昧之初有聖綸之始原鹿逐而猶走瞻鳥飛而未
定必有異人間出命世挺生負問一作鼎之推圖鬱拔山之壯
氣控御笑傑鞭撻區寓志逸風颺勢頃海岳或一丸請封函谷
或千以割鴻溝夏殷資以興亡楚漢由其輕車懋功際乎旣立
竒策敗於垂成仰龍門以摧鱗望天池而墜翼求之前載豈代

有其人者哉公諱密字玄邃自凝功高是懼將遠遊以逃難翻
途窮而及禍惜乎高鳥未盡良弓遽折敵國猶梗謀臣已喪天
子過細柳以興嗟聞鼓鞞而軫雅重事人之卽方申詔葬之禮
粵以武德二年某月日葬於黎陽山西南五里之平原禮也故
吏徐世勣等或同嬰世網共涉艱難感意氣於一言託風雲於
千載所恨並發唐代不烈元凱之功俱為漢臣獨漏山河之誓
是以慟深藥布悲甚向椎慮降谷之推移勒斯銘於泉戶庶使
神遊楚國無慙項羽之臣魂往齊都不愧田橫之冢乃為銘曰
如馬唐臣猶龍舟史弘道百世邁德千祀帶地深一作源極天
峻峙玉種逾一作潤蘭芳不已成形騰氣成象降精餘慶鍾美
惟公挺生少表竒智早擅英聲符未發越志畧縱橫隨道方衰
始開凌長都茲兆亂緬然長想閑閑晦跡招弓莫往盤桓利居

不嬰世網運車道銷時逢改卜朱旗爰止素靈已哭野戰群龍
馳走原鹿競窺周鼎爭亡秦族時遭墟屈運偶鳳翔劬勞百戰
經營四方振蕩六合牢籠八荒始聞楚罷終基漢皇群雄並起
莫愜王度聖人既作皇天乃顧爰自東夏言遵西路來擬竇融
寵逾笑布爵窮伍等位登九棘惟愜參謀高衢騁力海運方遠
圖南未極縱壑摧鱗摩天墜翼熊耳夫路斯安殞身長男表楚
少女留秦驚魂摩訶夕葬何因列樹松檟唯餘故人

文苑英華卷第九百四十八

登仕郎胡

柯

鄉貢進士彭

叔夏校正

文苑英華卷第九百四十九

職官十一

葛即將威德墓誌一首

臧羽林墓誌一首

劉驃騎海賓墓誌一首

梁冠軍慎初墓誌一首

閻金吾用之墓誌一首

馬將軍實墓誌一首

贈即將葛君墓誌

張銳

公諱威德字某曰

集無此字

葛氏本梁國寧陵人也因遷徙今居京

兆涇陽縣父保未仕早世公室無陶白之資朝無金張之援不
承過庭之訓不漸鼓篋之術而能奮飛喬木獨拔深濟富忠孝
而由己善射馭而聞天早以武藝妙選供奉每扈遊別館侍蹕
禁林何嘗不在發五犯傍連雙兔歲久拜元城府左果毅都督
尋加上柱國入部內伏思馬斯才出典外軍掘兵之要所謂白

珪集作特達清雲自致者也其用未展其生有涯神功二年某

月終日於東都私第殯於北邙山之山夫人太原郡太夫人郭

氏從夫有禮以子而貴開元八年十一月薨於京師之脩貞里

有子福順克家用孝開國推集作忠泣風樹之無追痛榮祿之

不逮哀戚之情上感飾終之澤下流窀穸有期祖奠將設有詔

贈右驍騎集作衛集作即將開元九年二月七日合葬於長安縣龍首

鄉禮也鬱鬱宰樹蒼蒼墓田恐佳城之見曰祕銘石於重泉詞曰

都尉武達夫人禮封令德高行譽偶榮集作雙自古迄今賢仁

同進唯傳忠者集作孝集作餘慶不泯

羽林大將軍臧公墓誌銘

李邕

夫纏兵者寓內所苦用武者朔漠所懸粵若董戎三軍司帥萬

里未為也是以累戰必勝所謂與國每守必固所寃用紀石銘

將符竹簡自承訪舊遠託馳誠事梗繫於豐碑情辛勤於絕筆

其詞曰

周公錫徹魯國因名失魚興諫納鼎飛聲家傳禮樂代有賢英

才子間出武公特與兵救敗西鄙保界七州彌廣四紀無堅不

陷無強不却三邊風清萬里雲廓謀慮縱橫威名昭灼物莫能

久軍何以長邊也不幸人之云亡風沙未息松栢已行哀哀孝

思冥冥泉壤高山或遷其詞爰難作仰廢石銘之可託式蒿里

之無爽

驃騎大將軍劉公墓銘

穆員

公諱海賓彭城人也祖滔皇朝散大夫徐州別駕父玄銀青光

祿大夫澤州刺史公以義俠聞于汧隴之間泊天下兵興以身

許國累功百戰全生萬死歷官十七政至于開府儀同三司御

史中丞樂平郡王食實封五千戶充涇原節度兵馬使建中初
逆將劉文喜竊涇州叛皇上以神武肅毅齊壹四海故使亂臣
賊子作誡于涇六月興戎群帥奔命前事之日公挈長子光國
度文喜將叛而不支也始以奏請造于帝庭敷露姦慝陳獻忠
欵期以父子爲其膏育上撫而還之嗚呼天地啓公之謀果有
雷霆之誅假于光國之手躬殲文喜獻其元于蠻夷之郕城池
師旅與功全爲天子御正殿朝百辟引公父子同日封拜公拜
驃騎大將軍左驍衛大將軍依前兼御史中丞又賜實封一百
五十戶封光國五原郡王是時軒陛之下龍驤虎賁之士相賀
且勸不旬時而名布天下宿衛中禁爲王瓜牙後二年長安有
朱泚之亂公與故太尉段秀實約曰公爲曹沫我爲荆卿期以
一劍而復大駕故公先駕而發有害其成段公與公是日并命

君子謂二公之死千古如生

一作萬古

時建中四年十月十日享

年六十有二明鑿輅還宮於公有未及下連之詔追贈太子太
保又賜實封五百戶所以賙襁之品禮極數殫而宸衷群望猶
未之塞先是淮夷放命光國東征厥後王事龜筮差池未叶盖
不遑五月同盟之會者七年于茲矣貞元七一作六年六月四日

夫人鴈門郡太夫人田氏壽若干棄養于東都安國光國銜恤
卜兆得北邙山之南原西遠國門三十許里乃以日月有時之
事請于居守吏部尚書杜公公列狀以聞而飾終之典如初禮
十月乙卯太保公之喪至自京師十月乙巳啓太夫人之殯壬
申遷而合祔焉夫人承夫以禮訓子以義享其豐報鍾慶於身
然而太保有命代之勲寵位未半光國有日躋之孝色養處遠
各從其策不極其分悲夫光國以太子詹事兼御史中丞襲樂

平郡王克東都防禦左廂兵馬使次某試太常卿清國太子通
事舍人潤國未仕皆大夫之特也光國繼志襲責終以哀報願
奉不朽銘之墓門其詞曰

赫赫太保自天降忠見危致命有始有終佐戎于涇涇帥不龔
父心子手震踏元兇皇家中否大盜遺逸偉哉段公與我同德
將滅妖彗載清宸極天之方稔運奪其力悠悠青史異代悽惻
抑抑夫人率禮無違夫忠于孝寵祿由之九原何許雙劍同歸
鼓吹晨發霜清風咽生榮死哀加等備物于嗟後人無忘忠烈
冠軍大將軍檢校左衛將軍開國男安定梁公墓誌

銘

公姓梁氏諱慎初字智周其先安定烏氏人高祖曰集無宜春
郡公諱某當隋末喪亂豪傑並興集作某宗入師偉華金靴乃

蔚乃赫人鮮克終獨守謙冲集作公集繒繳不及冥冥高鳴于嗟

鶉觚生也有涯令聞無窮

右金吾衛將軍闔公墓誌銘

獨孤及

公諱用之遠祖曰文周昭王瑕之集作也昭集無生而手有文

曰闔康王奇之命封闔城王生二字集四十五代孫滿仕後魏

太祖為諸曹大夫自馬邑家河南其裔孫慶在隋為少司空慶

生毗毗生立本立德唐永徽中立本為中書令立德為工部尚

書立德生玄遂以司空尚書之餘裕也官至澤州刺史遂生巨

源嘗宰射洪政有仁射洪人詠歌之射洪第二子溫毅遜真廉

恪寬信讀論語老子周易被其服教初仕彭州叅軍嘗攝督郵

一日糾披本州讐謬不法數十事太守徐知人以為村後有詔

擇舍人以公魁偉爽悟集作有醞籍乃其登選會戎師集作侵

我天子方受人息戰將以辭讓居之詔公使西戎集作城以王命

喻禍福戎人頓首請罪介馬不汗戈鈇不用而虜軍却遷右衛

即將知引駕仗金吾將軍李質上殿不解佩刀公呵下殿陛請

按以法左右皆振集作振悚自是環衛加肅先是有司以三衛執

扇登殿引蹕公奏曰三衛皆趨悍有材力不當升陛適御座請

以官者代上曰可遂為故事天寶二年冊拜公長女為皇子義

王唐書作此妃加公左驍衛將軍遷義集作榮王傳初玄宗徵諸侯

王之國任事或集作率多驕蹇不奉法度而人受其害故開元之

後皇子皇孫雖荷封建之命未嘗離阿保之手悉無出宮闕集作

任卿大夫者公以為王居深宮則傳相職廢上疏陳古義謁

諸侯王四字集作請諸王申輔導之禮議雖廢格上以為忠公以集無字

已白首為將軍諸侯傳太夫人尚無恙以銀印赤紱侍朝夕膳

色難無違時人榮之太直辨論慷慨若加諸已明陰符善司馬

法起家為陽軍要籍本軍疑政畫多自出遷千夫長萬夫長三

軍兵馬使莫州近邊戎數為害本軍元帥請詗鎮戎之遠逃遁

莫人大义拜御史中丞莫州刺史俄薊州之患如莫州移鎮集無

此字薊州薊人繼康攝州刺史貞元初本軍之事有大者合議於

天子自管內二千石已下擇賢能以公當其選天子異其議奇

其詞決所議答於本軍而留近侍拜左驍衛將軍宿衛十一年

長松在林利錐處囊森疎隸脫鋒幹獨見天子儲而將用未有

所當貞元十四年寢疾其年七月十一日終于京師常樂里之

私弟出身從事若干年署職莅官若干政春秋五十一當時俊

傑懷材抱器者無不驚呼歎息嗚呼其驥有騰千騁萬之足伏

乎握干將有剗犀截象之銚開乎匣將有未用一朝變化為骨

燕市入泉延平為知人之痛惜公其北歟夫人鴈門田氏鴈門
郡王某之女哭立之幕痛而終集作中禮子六人男五人一人先
公卒四人在曰緩四續曰某曰某緩三十八續年十六集作五其餘
幼稚不言可知女二人一人先公卒一人在四歲皆集無此字至性
攀號感動飛走以某年十一月一日卜葬于京兆府萬年縣洪
固鄉延信里司馬村之少陵原禮也其承眷長沙歐陽某執紼
及墓就誌而銘曰

骨肉歸王賢愚共門英英馬公亦對此原太節大誠一作平生
所至貞心壯氣松孤壁峙掄擇雖致材成則未岑峯蒼翠俄摧
忽墜修短無涯傷如之何
文苑英華卷第九百四十九
登仕郎胡柯
鄉貢進士彭叔夏校正

文苑英華卷第九百五十一

誌十六

職官十二

此下五卷英華所編
失作者先後今正之

揚常州德裔墓誌一首

杜袁州墓誌一首

李懷州冲寂墓誌一首

馮潘州衡墓誌一首

陸岐州伯玉墓誌一首

常州刺史揚公

集作伯父
東平揚公

墓誌銘 揚烟

揚氏之先其來尚矣在皇為皇軒在帝為帝營在王為武王集
武在霸為晉文此之謂不朽西京為丞相東漢為司徒魏宣為
九卿晉朝為八座此之謂代祿公諱德裔字德裔弘農華陰人
也即常州刺史華山公之元孫左衛將軍武安公之長子生而
岐嶷代不乏賢事親以孝聞在鄉黨恂恂如也始以父父子集
任為太子左千備身轉秀容華序福昌維四縣令制集作封

東平公策勳上柱國是時也天子及席求賢勵精為化以公屈
 臨小縣焉用牛刀處治中別駕之任方展其驥足耳擢拜穎川
 幽州二司馬寬以濟猛嚴而不殘每行縣錄囚徒其所平反者
 十八九制集作詔徵尚書郎御史中丞謇謇諒集作亮直有臣之節
 尋以公事去官復拜饒州括州越州都督府三州長史在會稽
 引岐水溉田數千頃人獲其利于今稱之焉遷隸曹相常四州
 刺史歷政清白為當時所種於是覽先賢之焉知止足之分罷
 歸初服告老私庭乃率群從子弟營別業於宣城集無此字神鄉之
 望仙里其制宅也宗廟為先廡車為次居室為後喟然而言曰
 古人所謂歌於斯哭於斯聚國族於廡者吾知之矣維文明元
 年夏四月某日薨於正寢春秋八十有五嗚呼哀哉 簡責不
 交流俗非禮不動非禮不行望之儼然聽其言也屬博觀史籍

不學書生尋章摘句而已至於臺閣舊事法令科條莫不成誦

在心若指諸掌最集作凡為六集無此字尚書郎二年御中丞滿歲宰

人者四縣上佐及專城者九州盛德形容被於歌詠門生故吏

遍於天下永淳二年興駕幸東都邵公見於金城頓訪以得失

公採摭集作博采群言悉心以對高宗嗟歎者良久賜几杖粟帛鄉

里榮之一子令珍早亡朝夕溫清者四女公慨然有喪明之痛

因不豫彌集作遂留遺命以弟之子神毅為後越垂拱元年春二

月某日與夫人隴西李氏合葬於集作于某原禮也遠近會葬千

餘人操筆而為誄者以百數嗚呼哀哉其其字集作及銘曰

巖巖華山峻極于天上侵集作復神氣下固窮泉夫惟積德生我

大賢其滔滔河水中國之紀孤別九都經營萬里夫惟積潤生

我君子其惟柳疑作所按註文為秀之城惟華之亭宜陽之地益

部之星公為其宰不殞其名其汝陰之國薊門之北岐水朝黃

燕雲夜黑公為其佐曰宣其德其入踐即官舍香握蘭未居石

室直繩明筆潘子一除士師三黜其邑號鄱陽山名括蒼東南

之美吾會集作會稽之鄉展其驥足直集作實賴王祥其四州之大足

彌都會千里之榮即分麾蓋言旅舊同保茲耆艾其生為貴臣

死集作歿為貴神陰堂是夜古木非春鄧攸無子天道何親其

杜袁州墓誌銘

前人

公諱其正某京兆杜陵人也高辛之撫教萬人一作堯帝之平

章百姓傳稱聖人之後易曰積善之家在夏為御龍在周為唐

杜三王已降百代可知車服出於南陽衣冠集集作襲於京兆曾

祖榮華集作業後衛秦州別駕祖良守文廟復州長史父舉唐易

州司兵叅軍州事端履道掾史安真厚於天爵薄於人位闕里

之庭學夫詩禮太丘之門執其羔鴈公孝茲而敬威莊而安狎

貫義方周覽典籍服其服則聞之以君子之容遂其辭則實之

以君子之德起於集作家左翊衛選授具州府倉叅軍事出自中

禁在於集作于外臺謹其蓋藏實其倉庾尋遷蓬州咸安許州長

社相州浴陽三縣令地方百里官歷三城言非法度不出於口

行非公道不萌於心令不肅而威宣教不舒而德洽轉虢州司

馬制授朝散大夫發州司馬又遷蘇州長史加中散大夫鸞鳳

不棲於枳棘鸞雀不集於梧桐宜得其材非公莫可我大同誕

受萬國寵綏四方建官惟賢垂拱而理乃命公為朝議大夫使

持節袁州諸軍事守袁州刺史天王之使列國之君發其德音

而勸不用賞正其顏色而禁不用刑德成而位尊名遂而身退

乞骸告老謝病言歸以某年月日終於淮水集作海之私館春秋

七十有七嗚呼哀哉夫人太原王氏魏驃騎大將軍新昌公平
之曾孫唐蜀王府典軍上柱國志隆之女也纂承洪列嗣續集
揚徽音中外柔嘉小大懷陸夫人之化國風美於鵲巢寶劍之
沉夜集作氣衝於牛斗享年四十八嗚呼咸亨二年某月日終
於長社之官弟維天授三年春二月合祔於杜陵之平原禮也
王人吊發儀仗官給長子某等毀形於骨痛貫於心父母哀哀
昊天莫報佳城鬱鬱白日何年願述餘風式銘幽壤其銘曰
鳳凰鳥矣于彼高岡顯允君子邦家之光猗歟令德秀於閨房
歲往暮矣池樹荒涼死則同穴如何彼蒼

李懷州墓誌銘

前人

公諱冲寂字廣德隴西狄道人也左衛大將軍西平王之入登
堂常伯出踐方州為六卿之儀表發三軍之號令引長戰於門

前羅曲旃於堂下子孫朝夕王樹相輝賓客遠迎玳簪交映悲
夫展禽三黜安仁再免奚辭棘署俯集桐華慘舒則不繫陰陰
喜愠則不形顏色何嗟及矣竟遊東岱之山無所不知旋閉南
陽之墓二年夏五月日莖於萬年縣龜川卿之平平長原子某
官次子某官某箕裘必復花萼生光隣人泣其悲慟明主憂其
毀瘠觀其吊客不無雙鶴之銜察其成墳自有百鳥之感森森
隴樹漢漢郊煙左玄灞而浩蕩左驪山而起伏杜陵萬家之邑
非復城池勝公駟馬之銘不知年代其銘曰
高陽積德武昭餘慶宅鎬開基封唐啓聖叶和萬國平章百姓
天叙諸侯禮陳宗正其一周之典阜漢之平陸地則葭葦祥惟嶽
瀆鄉黨稱善閨庭雍穆始拜城門即蒞天祿其二大微之位益部
之星卿則有六四至丹青州則有九八牧專城既踐臺閣仍司

甲兵^其倚伏無逃曹隨有運賈誼從王相譚郡自冥寵辱曾無
喜愠人去何歸天高不問^其東都門外長樂宮邊白馬旒旒青
鳥墓田揪行夾路碑石書年百代之後南陽之阡^其

贈潘州刺史馮君墓誌銘

張詭

公諱^{集有}衡字正平廣管高州人也昔卑萬苗裔邑于馮城因
以為氏其適越者則表宏過江錄所載長樂馮祖思之後也遠
居避地代為右族帶甲千人擬四豪之父于田洞百里齊萬戶
之封君祖益持節總管高州都督耿國公薨贈左驍衛大將軍
荊州大都督恩命分府為三州授君之三子子知幾^{唐書作}高
州刺史子智玳^{唐書作}恩州刺史猶子子猶潘州刺史公荊州
之孫恩州之子量包山海氣逸風雲陰德以濟物力行以遊道
散岸從心采化而歿斯實一方超邁全真之士也夫人南海郡

太夫人麥氏誕嫗勳門作殯傑室初執冀妻之禮終抗梁寘之
行即大將軍宿國猛公鐵杖之曾孫也女夫人有三子一女同
歸上京長子元璉左衛中候次子元珪左領軍衛郎將少子力
士右監門衛大將軍以將軍少養於高氏故舉家從其性為夫
德厚者福長先否者終泰天之報應其虛也哉大將軍所以雲
漢奮飛忠孝至感迎聖善於炎海展三牲之色養按友于於荒
徼會四鳥之嚶鳴縉紳美談簪黻頌墓是知敬仲羈旅將育于
齊孟軻儒藝成名此母信瑰才之特達亦餘慶之助成乎夫人
享年八十有七開元十七年五月十二日薨于西京耒庭里粵
八月二十六^{集作}日安厝於長樂原子新城^{集作}閔將軍之純
至嘉先士之晦名恩詔追贈潘州刺史招魂而合葬焉蓋殊常
之禮若夫慈以遺後孝以揚親忠能合聖惠足昭仁嗟乎馮氏

之子具此此美集作德 鏤石垂文為不朽矣銘曰

潘州遠世滅跡沉彩詔贈本邦光燦南海其孤永墓昊天不待

夫人處順奄皆榮胤悲離兩鄉魂合雙擷孝心可贈百身集作年

匪恡天日蒼蒼丘壠茫茫地名長樂人樂無長郭門之外愁生

白揚

岐州刺史平泉誌中作原男陸君墓誌銘 張說

開元十三年十一月六日故岐州刺史平原男陸公卒于京師

十四年冬十月葬于鄴西之先塋公諱伯玉字某河南人識真

之士也夫譽其克家光乎觀國篤慈惠以宰邑弘雅量以執憲

擅華妙於禮闈敷文敏於禁掖推直方以獨坐率易簡之專城

集作誠所居而美風振所莅而德聲溢非德充於內而美形于外

者烏若是夫孝敬之裏悌包友順之節仁叶反身之怨義適成

物之和四者禮之善物歟吾文曾集作嘗從事於斯矣然而舉禮

之綱持心柄靜則樂先王之道動則濟賢人之業位不盈量年

無登壽之才也命也復焉可而言哉銘曰

陸侯泉妙體曠心古龍章炳文麟角藏武庫籥冲用詩書義府

移孝則忠安親合主迺建侯杜迺牧王畿有嚴有翼有長有威

汲直謝病秦和不鑿乞言未老啓手全歸石鼓東臨銅臺西望

別業宛在舊塋增創弱子攀車孀妻送葬風景飄忽山川惆悵

令德可傳浮生匪重神去一息形遺萬種露往草陳霜來樹拱

一仁芳一義長益沒於丘壟

文苑英華卷第九百五十

登仕郎胡 柯

鄉貢進士彭 叔夏 校正

公惠下... 息... 業... 我... 華... 無... 國... 年...



